

刑  
案  
匯  
覽

刑案匯覽卷二十四

目錄

殺死姦夫

謀殺抑勒本夫姦婦並不知情

鬪殺縱姦本夫姦婦並未在場

拐犯拒殺本夫姦婦事後首告

拒絕後姦夫謀殺天姦婦首告

姦夫殺死本夫姦婦不肯與謀

姦夫謀殺本夫脫逃姦婦待質

親屬通姦相殺本夫姦婦喊救

姦婦目擊本夫被窩姦人毆死

姦夫拒殺本夫姦婦事後首告

謀殺縱姦本夫駁審縱姦確據

姦夫聽從姦夫謀殺本夫駁審

姦夫謀殺本夫恐有同謀駁審

謀殺夫姑一命姦婦僅知謀情

姦婦雖不知情不准夾簽聲請

姦夫聽從姦婦謀殺氏翁身死

姦夫賄囑縱姦本夫謀殺其子

姦夫商令姦婦謀殺家長之子

弟兄同姦姦婦起意謀殺其兄

婦人因姦致兄嫂被姦夫殺死

姦婦自殺其夫姦夫並不知情

同謀殺死本夫姦夫未經同行

姦婦毆死本夫姦夫拒傷本夫

謀殺本夫未死姦婦不知詳情

因姦商同謀殺本夫傷而未死

謀殺姦夫追悔趕救未死

謀殺姦夫未死復行毆斃

聽從姦夫謀殺姦夫未傷

姦夫謀死未婚夫姦婦不知情

過門童養未婚之妻謀死本夫

出嫁二日被舊姦夫謀殺其夫

捉未婚妻姦夫格殺拒捕姦夫

姦夫因姦殺死本夫另釀二命

謀殺親夫誤殺夫弟姦夫買砒

欲謀殺夫致繼翁命姦夫買砒

謀殺而誤殺人二命姦夫買砒

因姦謀殺本夫旁人知情買砒

因姦謀殺子女姦夫知情買砒

謀毒本夫聽從尋給餘剩砒礪

姦夫聽從買砒本夫係死於毆

謀殺妯娌誤斃旁人姦夫買砒

伊姑縱媳通姦姦夫謀殺本夫

姦夫姦婦商同謀殺買休本夫

刑考四  
姦夫毆死買休本夫

謀殺本夫未死妻母從而加功

增縱姦被殺妻母從而不加功

姦夫自行故殺縱姦本夫

謀殺縱姦本夫姦婦實發

縱姦本夫被殺姦婦事後知情

謀殺縱姦本夫姦夫未經同行

姦夫謀殺縱姦本夫死係卑幼

兩姦夫同將縱姦本夫謀殺

姦夫謀殺縱姦本夫死係尊長  
卑幼聽從謀殺圖姦犯姦尊長  
隨同胞伯捉姦初死犯姦胞孀  
伯母犯姦不聽勸止故殺伯母  
隨父捉姦聽從幫接殺死伯母  
孀母與人通姦捉姦誤殺孀母  
聽從功兄捉姦毆死犯姦功尊  
登時殺死與胞姊通姦之表兄  
捉姦殺死小功兄大功嫂



妻與總叔通姦被夫一併活埋

捉姦毆死功尊尊毆之親勿論

僅殺姦婦將犯姦尊長擬罪

捉姦殺死犯姦胞姊擬罪夾簒

弟捉姦殺死姊自有夾簒之例

聽從母命幫同勒死犯姦胞妹

殺死強姦伊妻堂叔犯時不知

捉姦致傷尊長照律應予勿論

事後謀殺圖姦伊媳之兄請示

本婦毆死強姦未成之夫胞叔

毆死圖姦伊妻胞叔情輕夾簽

將調姦之夫兄毆死比例減流

事後毆傷圖姦未成總尊成篤

毆死圖姦伊妻總兄仍擬斬候

共毆調姦子媳之甥身死

捉姦事後殺死犯姦總麻弟妻

因媳產生私孩父子將其勒斃

捉姦活埋縱妻賣姦串幼夫妻



毆死犯姦私奔胞妹按例減徒

勒死業已出嫁之犯姦總姪女

事後勒死與女通姦之大功弟

事後毆死強姦伊女之大功弟

當時勒死強姦伊妻未成胞弟

致死強姦伊媳未成小功堂姪

捉姦登時逐至門外殺死總弟

非登時殺死與養妻通姦總姪

謀殺強姦伊姪孫媳之夫胞姪

刑案匯覽卷二十四目錄終

刑案匯覽

卷二十四 目錄

刑案匯覽卷二十四

殺死姦夫

謀殺抑勒本夫  
姦婦並不知情

東撫 咨李世安抑勒伊妻李馮氏與劉成通姦將  
氏拐逃並劉成謀毒李世安身死脫逃一案查名例  
律載二罪俱發以重論又律載抑勒妻與人通姦婦  
女不坐又例載本夫抑勒妻與人通姦有確據人  
所共知若姦夫因姦自殺其夫姦婦果不知情仍依  
縱容抑勒本例科斷各等語是抑勒通姦本夫被殺  
果不知情之姦婦與謀殺並未抑勒本夫案內之姦

姦婦商同謀殺  
氏子滅口姦夫  
固年老力衰令  
伊子前往加功  
卽與親身在場  
無異將姦夫父  
子一律擬絞案  
載謀殺祖父母  
父母條浙省楊  
元濶

婦不同按例仍依抑勒本條科斷若姦婦另犯別項  
罪名自應依律以別項罪名與縱容抑勒本條相比  
從其重者論此案李馮氏因伊夫李世安逼令與劉  
成通姦被劉成誘令該氏同逃旋被李世安尋獲仍  
同居備趁嗣李世安向劉成索取盤費欲帶該氏回  
籍劉成答以從緩措給後該氏幫工回家見李世安  
在炕嘔吐聲稱食菜後腹痛該氏恐係痧氣割治無  
效該氏旋見鍋內盛菜欲食劉成走至告以鍋內放  
有信毒囑令勿食該氏聽聞不依劉成用言嚇禁該

嗣後縱姦木夫  
姦婦並未在場

氏畏懼當黃菜豆湯解救無效李世安因毒殞命該  
省以李馮氏既不知情應依誘拐之案係本夫抑勒  
與人通姦姦夫滅等滿徒例擬杖九十徒二年半核  
與二罪俱發以重論之律相符應請照覆

道光六年  
說帖

陝西司 查例載本天縱容妻與人通姦審有確據  
人所共知若姦夫自殺其夫姦婦果不知情仍依縱  
容本條科斷又姦夫已離姦所拒捕殺死本夫姦婦  
並未在場及因別事起釁與姦無涉者姦婦止科姦  
罪各等語此案雷開陽利資縱妻張氏與康正元通

姦嗣因向康正元索錢不遂取刀撲戳被康正元奪  
刀回戳適斃當時張氏並未在場旋經詢悉欲行報  
官被康正元嚇禁聲張復逼令張氏同逃查康正元  
戳死雷開陽係因索錢起釁並無因姦謀故別情張  
氏雖未舉報實不知情且伊夫縱姦無恥夫妻名分  
已乖按例止應科以犯姦之罪今該氏聽從姦夫逼  
令同逃自應依誘拐科斷該省將康正元依凡人鬪  
殺律擬絞張氏依和誘知情被誘之人減等例擬徒  
尙屬允協應請照覆

道光二年說帖



劫犯拒殺本去  
姦婦事後首告

四川司 查例載姦夫因本夫捉姦情急拒捕殺死

本夫姦婦並未在場及雖在場而當時喊救與事後  
首告者姦婦止科姦罪等語此案陳元順姦拐羅氏  
同逃被本夫周思成追捕拒戮周思成身死先據該  
省審擬具題經本部以案情支離駁令覆審茲據該  
省訊明陳元順被周思成追獲時羅氏實係脚痛落  
後因周思成上前拘拿該犯情急將周思成拒戮身  
死羅氏委未在场後羅氏被陳元順逼令同逃不能  
脫身無從告訴嗣遇差役劉紀成等卽向首告實情

拒絕後姦夫謀  
殺夫姦婦首告

仲雪夫寃質之該役等供亦無異是此案既經該省  
遵駁審明陳元順實係情急拒捕並非蓄意謀殺羅  
氏當時並未在場事後曾經首告將陳元順仍照罪  
人拒捕殺所捕人律擬斬監候羅氏例應止利姦罪  
惟係被拐姦婦仍依被誘之人本例擬徒查核情罪  
相符應請照覆

嘉慶十八年說帖

晉撫 題史振花續姦不遂謀殺本夫身死將悔過  
拒絕不知謀情之邢氏於絞候減流上再減一等滿  
徒一案奉

批此案似可照覆交館查核等因查姦夫謀殺本夫姦婦雖不知情亦絞所以懲淫惡也如當時喊救事後首告得准夾簽減流原其尙不忘讐也若姦夫係拒捕殺死本夫並非謀殺姦婦當時喊救事後首告則止科姦罪是姦婦於本夫被殺之案以曾否喊救首告爲生死區分而姦婦喊救首告之案又以姦夫之是否謀殺爲流杖區分情不一致故罪有差等至悔過拒絕之姦婦於姦夫謀殺本夫其姦情旣已改悔例應與姦婦同科則其不忘讐之心未便仍與姦婦

並論雖例無明文似亦不可不示以區別卽如婦女  
悔過拒姦殺死姦夫例准於擅殺絞罪上減一等與  
其潔也不保其往定例自有深意此等悔過拒絕之  
婦不知本夫被殺之情固未便竟畧而不論若仍與  
未拒絕之姦婦一例科罪似非予人自新之義此案  
邢氏因與史振花通姦被本夫查知責打該氏卽立  
意改悔並屢次向史振花拒絕史振花續姦不遂將  
本夫謀殺該氏事後聞知往看投保報案是該氏之  
悔過拒絕已有確證臨時並不在場事後卽行首告

夫殺死本夫  
姦婦不肯與謀

其不忍致死其夫之心較之姦未悔拒致夫被殺者

情更可原該省將該氏依姦婦不知情絞候聲請減

流上再減一等科以滿徒衡情準理似為允協尚可

照覆

嘉慶二十二年說帖。史振花係姦夫謀殺親夫例擬斬立決

東撫題張成中起意商同姦婦小張張氏將本夫

張湛招死滅口該氏不允並向拉勸張成中將該氏

摔跌倒地將張湛立時招死該氏不獨並未與謀且

有救夫之心追事後聽從隱諱因心慌畏懼所致亦

非甘心事讐未便照同謀殺死親夫之律擬以寸磔

殺夫謀殺本夫  
脫逃姦婦待質

將小張張氏比照姦夫臨時拒捕姦婦在場並不喊  
阻救護事後又不首告者照姦夫白殺其夫姦婦雖  
不知情律擬絞監候

嘉慶十八年案

廣東撫 題歐亞德與黃鄧氏通姦將本夫毒死

案奉

批尙有不忍致死其夫之心一節後屠內先應叙明再  
議待質監候等因查定例死罪人犯不准監候待質  
若軍流以下人犯如首犯在逃賊證未明者分別十  
年五年三年監禁待質限滿時照原擬罪名卽行發

落此案黃鄧氏與歐亞德通姦致本夫黃元畛被臥  
亞德毒藥該氏雖不知謀情律應擬絞監候惟該氏  
於伊夫毒斃之後即將真情哭告夫弟懇求代爲伸  
冤尙有不忍致死其夫之心例得夾簽隨本聲請減  
流其姦夫在逃照例監候待質之處應照流罪監禁  
按限查辦自應叙於夾簽聲請之後方爲允當今該  
司所擬稿尾出語竟似死罪人犯監候待質而於夾  
簽後尾內又未聲明待質一節尙欠明晰謹另擬稿  
尾夾簽呈

問

稿尾

查律載姦夫自殺其夫姦婦雖不知情絞監候

等語此案黃鄧氏因姦致本夫黃元畛被姦夫歐亞德謀毒斃命該氏並無知情同謀情事應如該撫所題黃鄧氏合依姦夫自殺其夫姦婦雖不知情律擬絞監候既據該撫於疏內聲明該氏尙有不忍致死其夫之心

臣

部另行照例夾發聲請其姦夫在逃將該氏監候待質之處應俟奉

旨准其減等後再行照例辦理

夾發

查例載姦夫自殺其

夫姦婦雖不知情而當時喊救與事後卽行首告尙



有不忍致死其夫之心仍照本律定擬疏內聲明法  
司核擬時夾簽請

旨又人命等案正犯在逃未獲爲從應斬絞監候人犯按  
例擬罪毋庸監候待質如係應行減等人犯卽照所  
減之遣軍流罪按定例限監禁待質十年限滿正犯  
無獲照例分別發配各等語此案黃鄧氏與歐亞德  
通姦致本夫黃元畛被歐亞德毒死該氏於伊夫中  
毒之後卽疑歐亞德謀毒往尋歐亞德不見報知夫  
弟黃振林等延醫救治迨伊夫斃命後該氏卽將醫

情哭告黃振林等懇求代爲伸冤尙有不忍致死其夫之心核與夾簽之例相符應照例夾簽聲明請

旨定奪如蒙

俞允准其減等

臣

部行文該撫將該氏減爲杖一百流三

千里現在姦夫歐亞德尙未弋獲恐有避重就輕情弊應仍將該氏照流罪人犯監禁待質俟限滿時再行照例核辦

嘉慶二十一年說帖

親屬通姦拒殺  
不夫姦婦喊救

廣西司 查例載姦夫自殺其夫姦婦雖不知情而當時喊救與事後卽行首告將姦夫指拿到官尙有

不忍致死其夫之心者仍照本律定擬該督撫於疏  
內聲明法司核擬時夾簽請

旨等語此條係雍正三年欽奉

諭旨以此等當時喊救指拿姦夫之婦人若仍照律擬絞  
恐將來有犯轉致畏罪不肯自首是以

諭令夾簽聲明量予減等係專指姦夫謀殺本夫案內之  
姦婦而言若本夫捉姦姦夫情急拒捕殺死本夫之  
案乾隆十四年湖南按察使條奏以本夫死於謀殺  
與死於拒捕而殺同由該婦犯姦所致請將姦婦概

照姦夫自殺其夫律擬絞監候經本部以捉姦拒殺  
並非因不便於姦預存謀害之心議將姦婦當時喊  
救與事後卽行首告者仍止科姦罪其在場並不喊  
阻救護而事後又不首告者此等婦女旣失節犯姦  
於前而當本夫危險之際又毫無眷顧之心恩義全  
泯情理難容未便輕縱應照律擬絞監候奏准載入  
例冊遵行在案此案馮德章身死係屬捉姦拒殺與  
被獲拒捕砍傷本夫馮德章身死係屬捉姦拒殺與  
因姦謀殺本夫之案不同楊氏於伊夫喊救時連聲

接應一路叫喊族鄰赴救及見伊夫受傷倒地卽央人扛擡回家告知姦情愧悔哭泣次早起回夫弟馮道章等投保協拿馮公章解縣正與當時喊救事後卽行首告仍止科姦罪之例相符該撫將該氏依姦夫自殺其夫姦婦不知情例擬絞聲明尙有不忍致死其夫之心是以姦夫拒殺本夫與謀殺本夫案內之姦婦一例同科旣屬漫無區別且案係當時喊救援引姦婦不知情之例亦屬兩歧若以親屬相姦較凡人爲重則該氏與夫大功弟通姦按律罪應滿

徒本與凡人罪止枷責者有別似不便舍本例而援  
照擬絞聲請之條可否議駁伏候

鈞定 乾隆五十七年說帖

姦婦目擊本夫  
被窩姦人毆死

貴州司 查此案羅阿譚之妻阿掃與陳阿么在阿  
隴家通姦會飲羅阿譚往捉陳阿么逃逸羅阿譚抓  
住阿掃追問姦情被阿隴季納將羅阿譚毆截身死  
該撫以姦婦阿掃在場目擊事後又不首告請比照  
姦夫殺死本夫姦婦擬絞例定擬絞候並將姦夫陳  
阿么比照本夫捉姦誤殺旁人姦夫當時脫逃例擬

流等因詳加查核姦婦阿掃目擊其夫被阿隴等毆打致死並不首告此例擬絞情罪自屬符合至姦夫陳阿么因姦致羅阿譚被阿隴等殺死雖與本夫捉姦誤殺旁人例不符但本夫捉姦被殺與捉姦誤殺旁人問擬絞抵均係因姦致死情實相等將陳阿么比例擬流亦屬允當似應照覆

乾隆五十三年說帖

姦夫拒殺本夫  
姦婦事後首告

川督 題劉榮受因姦拒殺大功兄劉榮富身死姦婦並未到場事後首告一案查此案如果劉榮受拒殺本夫姦婦劉吳氏實已逃避並未到場事後即行

首告應照例止科姦罪該省援引姦夫謀殺本夫例  
將劉吳氏擬以絞候聲明尙有不忍致死其夫之心  
係屬錯誤該司擬令改引律牌固屬允當惟詳核全  
案情節劉吳氏所供在竹林躲避走回時劉榮受已  
將屍身攜出掩埋各情諸多支離且劉榮受將本夫  
拒毆身死後復將其肢體砍斷掩埋滅跡尤多疑竇  
生者法網倖逃則死者沉冤莫雪似應駁令覆審  
稿查律載妻妾因姦同謀殺死親夫者凌遲處死若  
尾姦夫自殺其夫姦婦雖不知情絞監候又例載姦夫



自殺其夫姦婦雖不知情而當時喊救與事後卽行  
首告將姦夫指拿到官尙有不忍致死其夫之心者  
仍照本律定擬該督撫於疏內聲明法司核擬時夾  
簽請

旨又姦夫並無謀殺本夫之心其因本夫捉姦姦夫情急  
拒捕姦婦已經逃避或本夫追逐姦夫已離姦所拒  
捕殺死本夫姦婦並未在場及雖在場而當時喊救  
與事後卽行首告者姦婦止科姦罪其姦夫拒捕姦  
婦在場並不喊阻救護事後又不首告者照姦婦不

知情律擬絞各等語詳繹各例姦婦當時喊救與事後卽行首告夾簽聲請一條係指姦夫謀死本夫之案而言若姦夫拒殺本夫案內之姦婦則應以當時曾否喊救事後曾否首告分別擬以枷杖絞候兩例判然不容牽混問刑衙門遇有殺死本夫之案先應訊究是否謀殺並姦婦是否同謀以憑定擬卽審係姦夫拒殺本夫亦應將姦婦曾否在場喊阻及事後曾否卽行首告各情研訊明確分別擬斷不得稍有寬縱此案據該督疏稱劉榮受與大功兄劉榮富之

妻吳氏通姦劉榮富撞見喊拿吳氏跑至屋外竹林躲避劉榮富向劉榮受扭毆劉榮受用木柜毆傷劉榮富額顱身死劉榮受復取柴斧將劉榮富頭顱砍落並將左胳膊兩膝蓋砍斷川背兜裝入攜鋤首至茨林內掩埋劉吳氏幼子劉重兒見劉榮受將劉榮富毆死往尋劉吳氏回家止見血跡並無屍身正欲往尋劉榮受查問適劉榮受轉回告知前情令吳氏同逃吳氏不依哭泣劉榮受用言嚇禁吳氏見其兇狠假意應允逃走劉榮受至半夜時分散去次早吳

氏之子劉復保回家吳氏告知令其往訴夫兄劉榮  
宗正欲具報劉榮受畏罪自縊報驗審出前情將劉  
吳氏依姦夫自殺其夫姦婦雖不知情律擬以絞候  
聲明該氏尙有不忍致死其夫之心等因具題

臣部

查此案如果劉榮受實係拒捕將太夫毆死劉吳氏  
實係已經逃避並未在場事後卽行首告應照例止  
科姦罪該督援引姦夫謀殺本夫例將劉吳氏擬絞  
並以尙有不忍致死其夫之心附疏聲明係屬錯誤  
惟檢閱全案供招該氏於伊夫撞見喊拿時跑至屋

外作林躲避雖非該縣查勘該處止有劉榮富草房  
兩間附近並無人戶而竹林旣在屋外其相去自非  
遼遠當劉榮受用木槌毆傷伊夫額顙伊夫豈能全  
無聲息該氏何以不行喊阻救護必待劉榮受取斧  
將伊夫頭顙砍落並將左胳膊兩膝蓋砍斷裝入背  
地背出掩埋始行轉回是所供在竹林躲避一節已  
屬支離且該氏四歲幼子劉重兒供內有伊父被劉  
榮受打死卽忙到竹林把母親找著一同轉來之語  
查劉榮受先將劉榮富毆死復取斧砍落頭顙並將

左胎膊及兩膝蓋一一砍斷事非頃刻所能爲何以  
該氏轉回時劉榮受已將屍攜出掩埋其爲藉詞捏  
飾尤屬顯然再查約鄰張榮一等供稱離劉榮富家  
有三里多路該氏於趕回後既見地上有血並未見  
屍是伊夫被劉榮受殺死已無可疑劉榮受彼時正  
在茨林內掩埋死屍該氏如果痛夫情切卽應投明  
約鄰求爲控理乃必待劉榮受埋屍走回逼令同逃  
始行不依啼哭卽謂該氏趕回距劉榮受埋屍走回  
爲時無幾劉榮受嚇禁該氏不敢外出追劉榮受半

夜走散彼時儘可往訴夫兄喊投約鄰不難立時將  
劉榮受指拿到官何以仍行延挨直至次早長子劉  
復保傭工外回始令往訴夫兄所謂不忍致死其夫  
之心安在種種情節諸多疑竇悲難保非該氏同謀  
將本夫致死毀屍滅跡因劉復保走回難以隱瞞始  
令往訴夫兄迫劉榮受具罪自盡事益敗露不能掩  
飾始行報官復囑令幼子劉重兒於到案後扶同捏  
供希圖避就該省以劉榮受業已自盡不加嚴詰率  
據該氏一面之詞以不忍致死其夫爲之聲請以致

被毆身死復慘被支解之木夫劉樂富無一抵命之  
人而淫惡之婦得以倖逃刑辟殊非所以懲邪慝而  
伸冤抑罪關生列出入應令該督另行遴員嚴鞫實  
情按律妥擬

嘉慶二十二年說帖

謀殺縱姦木夫  
駁審縱姦確據

東撫 題王芳松謀勒傷常身死一案查謀殺縱姦  
木夫身死之案必審明實有縱姦確據方以起意謀  
殺之姦夫擬斬監候不知情之姦婦仍以縱姦木律  
止科姦罪若止出自姦夫姦婦之口並無實在證據  
卽應嚴究確情將起意之姦夫擬斬立決不知情之



姦婦擬絞監候此案死者縱姦之處係憑姦夫姦婦  
二人供詞既無旁人證佐卽同居之氏母邵氏亦稱  
不知情不惟死者縱姦無憑卽該犯之起意謀殺張  
氏之不知謀情亦難憑信乃該省並未訊得確情遽  
將該犯擬以斬候姦婦張氏擬杖該司駁令審擬洵  
屬允協

嘉慶二十一年說帖

姦夫強從姦夫  
謀殺本夫駁審

湖廣司 查審理謀殺重案必嚴究造意之人治以  
首禍之罪不得僅據兇犯狡飾之供草率定擬致滋  
寬縱此案劉氏係聶文祥之妻先後與李古雲賀應

方並母家屬工李么遁姦嗣後氏翁聶兆信等風聞  
防範嚴緊未能續姦負應方戀姦情熱起意將劉氏  
拐往別處長久相聚央李么將劉氏勾出逃走許給  
錢十五千文令李么一同逃走代娶妻室李么應允  
潛向劉氏告知劉氏慮被查知不依未經允許李么  
隨向賀應方回覆賀應方囑令再行誘拐李么亦圖  
將劉氏拐出乘便續姦並貪圖賀應方給錢代爲娶  
妻起意將聶文祥致死設法拐逃與賀應方商允賀  
應方旋買得糧食赴湘諸販賣李么憶及在鄭時榮

家傭工時利有玆蟲砒礪一塊隨取帶身邊遇便下  
手刺李么八劉起先赴田鋤草孫文祥亦在已田工  
作聶文祥適因口渴稱欲回家取茶李么八卽稱帶有  
現成茶水可以取飲卽將身帶砒礪攪入茶內倒出  
一碗給飲聶文祥旋稱腹痛回家嘔吐不止劉氏查  
問聶文祥將李么八給茶與飲向告劉氏心疑趨出向  
李么八盤問李么八將謀毒情由告知囑令隱忍聶文祥  
毒發殞命該督將李么八依姦夫起意殺死親夫例擬  
斬立決劉氏擬絞監候實應方北例減等擬流聲明

李么業已病故等因具奏

臣

等查核案情賀應方與

李么商同謀命之時別無證佐而李么生前又堅不

招承所稱李么造意祇係賀應方一面之詞卽謂毒

藥確有來歷下詎經人見聞亦焉知非李么之夥從

賄騙代爲加功何得執爲賀應方並未造意之據且

賀應方與劉氏戀姦情熱圖拐不成因而商同謀命

方且志在必得何遽舍之遽行顯有事發畏罪託名

遠出藉圖狡卸情事況田間耳目昭彰何以能從容

下券砒塊聚難融化何以一攪卽勻似此種種支離

昔非情理所有至劉氏於李么等謀斃伊夫如果實  
不知情則到案之初不應遽行承認縱謂圖陷他人  
豈肯自甘重罪是所供伊夫被殺並未同謀尤難憑  
信案關因姦謀殺親夫自應詳細研鞫乃該督輕聽  
現犯供詞歸重罪於已死之犯致令姦夫姦婦竟無  
一人實抵殊非慎重人命之道臣部礙難率覆相應  
請

旨飭下該督再行親提全案犯證逐一研訊務得確情按  
律妥擬具奏

道光十二年說帖

姦夫謀殺本夫  
恐有同謀駁審

江蘇司 查律載妻因姦同謀殺死親夫者凌遲處  
死若姦夫自殺其夫者姦婦雖不知情絞監候等語  
此案徐澹與陶寶觀之妻戴氏通姦經陶寶觀撞  
破姦情將戴氏斥罵禁止往來嗣徐澹與詢知陶寶  
觀外出意圖續姦即將所攜瓦酒壺交陶戴氏暫寄  
自赴毛厠山恭適陶寶觀回家認係徐澹與酒壺觸  
怒擲碎並將戴氏斥責徐澹與聽聞欲圖掩飾姦情  
卽以舒放酒壺並無別事之言爭辯陶寶觀當邀徐  
澹與之繼祖父徐坤元至家將徐澹與訓斥徐澹與

畏懼走出陶寶觀欲將陶戴氏毆打經徐坤元勸住  
時已點燈徐坤元急欲轉回因見陶寶觀餘怒未息  
恐伊去後戴氏復被毆責欲令暫避卽稱黑夜年老  
難行欲令戴氏執燈送回陶寶觀應允戴氏卽扶送  
徐坤元出門徐滌興躲在左近望見知陶寶觀獨自  
在家懷禁絕往來之恨起意將陶寶觀致死復至陶  
寶觀家推門進內陶寶觀瞥見上前扭獲用剪刀剪  
落髮辮徐滌興爭奪並扭陶寶觀至門外河邊將其  
推跌落河溺斃陶戴氏回家詢知前情報縣獲屍驗

訊該撫將徐澹興依姦夫起意謀殺本夫例擬斬立決聲明在監病故陶戴氏依姦婦不知情律擬絞並詳明尙有不忍致死其夫之心聽候夾簽聲請等因具題<sub>臣</sub>等查謀殺之案非乘人之猝不及防必恃已之力足相制今徐澹興推跌陶寶觀落河係由屋內拉出既非猝不及防可比而陶寶觀一當徐澹興推門進內卽能將徐澹興扭獲剪落髮辮是其力敵勢均尤非徐澹興一人所能制且陶寶觀與徐澹興扭結之時徐澹興止係徒手而陶寶觀手內剪刀尙未



探棄何以任其拉至門外推跌落河絕不聞將徐滌  
與拒截成傷已出情理之外陶戴氏與徐滌與通姦  
已閱二十餘年之久迨被本夫陶寶觀撞破禁止之  
後復敢任令徐滌與寄放酒壺圖續舊好揆其戀姦  
之情卽難保無同謀之事至徐滌與繼祖父徐坤元  
本係陶寶觀邀往卽使轉回時藉稱年老難行在陶  
寶觀儘可自行送往斷無昏黑之中反令婦女扶送  
同回之理卽謂因陶寶觀餘怒未息欲令戴氏暫避  
獨不思伴送回歸伊夫亦可向其毆責尤屬不近情

理其爲同場謀害事後捏稱外出圖卸重罪情節尤屬顯然案關因姦謀殺本夫自應研究明確方足以成信讞乃該撫僅憑案犯狡飾之詞草率定斷致令因姦謀命之案竟無一人實抵殊非慎重人命之道臣部未便率覆應令該撫另委賢員提犯研訊務得確情按律妥擬具題

道光十二年說帖

謀殺夫姑二命  
姦婦僅知謀情

東撫奏王連等與徐盛氏通姦謀殺本夫徐大生母子二命一案此案王連因徐大生將妻盛氏寄放伊族人王和南家內暫住俟往接伊母同回原籍王

連與王和南之弟王牛等向盛氏調戲成姦本夫並不知情王連戀姦圖娶爲妻賄囑王牛等設計誘拐因慮被控告王連卽稱不如將徐大生母子在途殺死滅口王牛等依允時盛氏在門首聽聞其語聲言事莫關大王連囑勿多管盛氏不復再言走入屋內王連王牛攜取刀斧前往小路等候俟盛氏抱子先過王連王牛卽將徐大生徐馬氏立時砍斃查盛氏已聞姦夫王連等有商謀害命之語並不大聲喊阻入告夫姑聽其自投死路迨目擊夫姑在途被害仍

殺一家二命之  
例於嘉慶十一  
年改斬梟

與姦夫同回姦宿事發之日復捏情諱飾忍心濟惡  
罪闔夫姑二命法無可寬盛氏合依妻因姦謀殺親  
夫律凌遲處死王連因姦謀殺本夫與殺一家二命  
罪亦相等王連合依姦夫起意殺死親夫例擬斬立  
決仍照例酌斷財產給死者之家王牛聽從加功應  
依爲從加功之人亦係姦夫例擬斬監候王和南聽  
從商謀騙令徐大生母子由小路行走復親自送至  
半途卽屬同謀已行合依謀殺人從而不加功律杖  
一百流三千里該犯之母劉氏年逾七十止生王和

姦婦雖不知情  
不始末聲請

南王牛二人王牛現擬斬候王和南罪止擬流與弟  
兄犯罪存留一人養親之例相符應將王和南存留  
養親

嘉慶八年奏准案○照駁案新編錄

北撫題陳萬得與李王氏通姦謀殺木夫李惠達  
身死一案該省將李王氏依律擬絞監候聲請夾簽  
等因經本部查核案情陳萬得起意將李惠達謀殺  
卽在伊門首田內擔毆致斃當其用擔疊毆時李惠  
達斷無不聲喊之理王氏豈毫無聞見似此情節已  
難憑信卽令彼時該氏並未聞知迨因夫出不歸向

陳萬得查問並因陳萬得用言支吾屢向吵鬧是該  
氏意中早疑其夫被陳萬得謀害如果該氏不忍致  
死其夫即當到官指控俾夫冤得以早雪陳萬得不  
致倖逃顯戮乃該氏僅投保查謝任從陳萬得捏詞  
掩飾直至半年之久該州業已訪問查拿並經地主  
陳澤高見屍報驗始據該氏懇求伸冤設該州並未  
訪拿地主亦未報馬則該氏始將姦情隱匿伊夫終  
含冤地下乃以經官訪拿事已敗露之案輒因該氏  
於到官後懇驗伸冤遂指爲事後首告尙有不忍致

大誥從姦姦  
謀殺氏翁身死

姦夫則賜縱姦  
本夫謀殺其子

死其夫之心率行聲請上之與例不符且該氏甫經  
移住甲民陳澤常家即又與之通姦尤屬無恥李王  
氏仍應擬絞監候秋後處決所有該撫聲請夾姦之  
處應毋庸議

嘉慶二十年案

湖督 奏馬桐貴與劉楊氏通姦聽從劉楊氏謀殺  
氏翁身死將馬桐貴照因姦同謀殺死親去律擬斬  
監候該犯姦姦助逆較之平人助逆加功情罪尤重  
請卽斬決

嘉慶十八年案

河撫 題馬金榜與李保林繼母劉氏通姦姦夫李

自庚知情縱容嗣被李保林撞見許給錢文不給向  
索爭鬪馬金榜恐李保林謀害起意賄囑李自庚將  
李保林致死隱匿馬金榜造謀情由將馬金榜依謀  
殺人造意律擬所監候劉氏係李保林繼母聽從同  
謀致死前妻之子並未加功係因姦起釁照謀殺人  
從而不加功律擬流李自庚聽囑代認重傷除故殺  
子輕罪不議外依頂認正兇尚未成招於馬金榜斬  
罪上減二等擬杖一百徒三年

道光元年案

賈撫 題李陳氏係李德淳之妾李張氏係李德淳

姦夫商令姦婦  
謀殺家長之工



之父妾李張氏與周之翰通姦曾竊給李陳氏衣飾  
被李德淳查知禁阻周之翰起意商同李張氏將李  
德淳謀害李張氏向李陳氏告知同將李德淳謀殺  
李陳氏應依妾謀殺夫律凌遲處死周之翰依謀殺  
人造意律擬斬監候李張氏係李德淳父妾應同凡  
論該氏因姦將李德淳謀死致令家長絕嗣應將李  
張氏比照因姦將子女致死滅口無論是否起意如  
係嗣母繼母例擬斬監候與周之翰俱請

旨卽行正法

嘉慶二十二年案

弟兄同姦姦婦  
意謀殺其兄

提督 奏常山先與劉氏通姦常山之兄文德亦將  
劉氏挾制成姦並欲霸占劉氏因與常山戀姦情熱  
起意商同常山及縱姦木夫寶善將文德勒死查常  
山聽從加功應依謀殺期親尊長不分首從律凌遲  
處死俟立秋後正法劉氏依謀殺人造意律擬斬監  
候惟查謀殺期親尊長正犯罪應凌遲案內加功之  
犯例應擬絞立決今劉氏因姦商同常山謀殺其兄  
以致常山罪干寸磔該氏造意爲首較爲從加功者  
情節更重應請

婦女因姦致兄  
嫂被姦夫殺死

姦婦自殺其夫  
姦夫並不知情

旨卽行正法俟產後百日行刑實善照從而不加功滿流  
該犯係寡廉鮮恥銷檔發配將來產生男女交實善  
之母楊氏撫養

嘉慶二十年江蘇司現審案

晉撫 奏劉珍子係劉澱元之妹因與武九徵通姦  
被劉澱元之妻龐氏撞見向劉澱元告知致姦夫武  
九徵將劉澱元劉龐氏一併殺死該氏因姦致兄嫂  
被殺未便僅科姦罪將劉珍子照因姦釀命例擬徒  
道光二年案

江西按察使 奏姦婦自殺其夫姦夫雖不知情應

請酌量罪名以儆淫惡也查律載姦夫自殺其夫姦婦雖不知情絞監候又例載姦婦自殺其夫姦夫果不知情止科姦罪各等語誠以本婦之與本夫恩義甚重而姦夫之與本夫無關名分故律例各分軒輊原有深意第查乾隆二十七年經貴州按察使條奏姦婦因姦情敗露羞愧自盡係姦夫釀命所致請將姦夫擬杖一百徒三年奏准通行在案夫姦婦自戕尚因姦夫釀命予以城旦而姦婦自殺其夫恩斷義絕實由姦夫與伊通姦所致且姦婦身死凌遲其因

姦業已釀成二命殺之姦婦羞愧自盡戕害一命者  
其情更重乃僅將姦夫科以姦罪枷責完結揆之情  
法似無以懲姦淫而維風化應請嗣後凡有姦婦自  
殺其夫姦夫果不知情比照姦夫自殺其夫姦婦雖  
不知情絞律酌減一等杖一百流三千里庶淫惡之  
徒知儆而情罪更昭平允等語查律載姦夫自殺其  
夫姦婦雖不知情亦絞又例載姦婦自殺其夫姦夫  
果不知情止科姦罪其情似相等而罪不同科者以  
婦人以夫爲天倫常繫重姦夫之與本夫則視其分

誼之親疎以爲斷律例所載分別等差至平極允並  
無閒隙今該按察使奏稱姦婦自殺其夫姦夫雖不  
知情實由通姦所致請將姦夫照姦婦絞罪減一等  
擬流等語意在懲創姦淫但例稱止科姦罪所包甚  
廣姦夫之與本夫爲類不一和姦之罪自杖枷以至  
軍流斬絞各有本條今以枷責之犯逾越數等加至  
滿流將本犯軍流加不至死並原犯死罪無可復加  
者設遇此等情節相同之案旣不能一例議加又未  
便畸輕畸重從此聚訟紛紜日更成例而究於準情

同謀殺死本夫  
姦夫未經同行

立法之義未能悉協司臬者秉公審事但當核其不  
知情之是否屬實不使稍有虛假則按照律例視其  
應得之罪以罪之自無不當卽或有情重法輕必應  
酌量加等亦可隨案聲明以昭懲勸初不必於已定  
科條輕議更張也應將所奏毋庸議

乾隆三十年奏  
准通行

南撫 題萬文基與羅劉氏通姦同謀致死本夫羅

萬順私埋一案查例載因姦謀殺本夫之案其爲從

加功之人如亦係姦夫仍擬斬監候等語至知情同

謀並未同行加功之姦夫作何治罪例無明文檢查

嘉慶二十四年陝督題賀三劉丙望先後與荀登受之妻孫氏通姦後荀登受欲同妻回家賀三勸留未允起意將荀登受謀害往與劉丙望商允欲將荀登受灌醉誘至僻處致死臨時劉丙望心生畏懼託言有事並未同行賀三獨自將荀登受下手扎斃該省聲明劉丙望聽從賀三謀害本夫臨時並未同行例無姦夫謀死本夫從而不加功之姦夫作何治罪明女將劉丙望比照加功之人亦係姦夫斬監候例上量減擬以滿流又道光五年東撫題攻兆炳董思旺



先後與邵來子之妻邵田氏通姦田氏起意將邵來子致死改嫁與攻兆炳爲妻攻兆炳允從並向董思旺告知央允幫同動手各散至夜田氏邀令同往董思旺恐被人見未及同行攻兆炳與田氏同往將邵來子腎囊割破挖出腎子殞命董思旺同謀未行依謀殺人從而不加功律擬流題結在案此案吳文貴萬文基先後與羅劉氏通姦萬文基起意將羅萬順致死先向該犯商議該犯欲得羅萬順之女新秀爲妻亦卽應允後萬文基臨期往尋該犯適該犯外出

設措盤費未回萬文基不及等待獨自前往羅萬順  
家與羅劉氏將羅萬順下手勒死該省將吳文貴照  
謀殺人從而不加功律擬以滿流核與成案罪名相  
同應請照覆 道光六年說帖

姦婦毆死本夫  
姦夫拒傷本夫

川督 題羅聯科與羅名受之姦羅劉氏在房行姦  
被羅名受聽聞捉拿羅聯科用扁擔將羅名受拒傷  
逃逸羅名受轉向羅劉氏用刀砍戳被羅劉氏格毆  
身死除羅劉氏依姦毆夫死者斬律擬斬立決外將  
羅聯科比照竊盜臨時盜所拒捕傷非金刃例改發

謀殺本夫未死  
姦婦不知謀情

遼遠充軍 嘉慶二十五年案

直督 咨刑二皂保與徐黑子之妻邢氏通姦邢二  
皂保謀殺本夫傷而未死應依謀殺人傷而不死律  
擬絞監候邢氏訊不知情比照姦夫自殺其夫姦婦  
雖不知情絞罪上量減一等擬流 嘉慶十九年案

直督 題穆本現因與穆懷德之妻賈氏通姦姦害  
本夫未死誤姦賈大姐賈二姐身死除穆本現照殺  
一家二命擬斬外將賈氏照姦夫自殺其夫姦婦雖  
不知情律擬絞監候等因查姦夫自殺其夫姦婦雖

不知情亦坐以絞罪者蓋因本夫之被殺實由姦婦而起故雖非知情同謀亦不得寬其死罪至姦夫謀害本夫傷而未死自與業被殺死者有間若將不知情之姦婦概擬絞首反與本夫已被殺死不知情之姦婦無所區別駁令另擬去後旋據改依姦婦雖不知情絞律量減一等杖一百流三千里

乾隆四十二年案○照平反傳要錄

四川司 查舊例載因姦謀殺本夫傷而不死姦婦依謀殺夫已行斬姦夫依謀殺人傷而不死從而加

因姦商同謀殺  
本夫傷而未死

功滿流若建寧憲依造意絞等語此條於乾隆五十三年纂修條例時本部以姦婦謀殺本夫已行未傷並姦夫從而不加功例內均未議及設遇此等案件自應仍須援引謀殺祖父母父母及謀殺人名本律辦理奏請刪除在案檢查乾隆三十年廣西省黃氏與譚扶化通姦用藥謀殺本夫韋扶培傷而未死一案將黃氏依謀殺夫已行律擬斬立決譚扶化照因姦謀殺本夫傷而不死從而加功例擬流又五十二年廣東省朱梁氏商同姦夫柯文光謀殺本夫朱潮

謀姦縱姦未死  
迫悔趕救未死

進傷而未死一案又五十七年山東省劉任氏商同姦夫馮來安謀殺本夫劉慎傷而未死一案各該省均將姦夫照例擬流各在案此案陳氏因與何文亮通姦商同謀死本夫王廷揚傷而未死該省將陳氏照律擬斬何文亮依謀殺人傷而不死從而加功律擬以杖流與舊例及辦過成案均屬相符似應昭覆

嘉慶元年說帖

直督 咨王二小因姦商同姦婦姚氏謀殺縱姦未夫巾月明傷而未死一案奉

批此係謀殺已傷之案似難卒減杖流卽有可原之情  
亦應俟秋審時核辦等因查人命首重謀殺若姦夫  
姦婦商同謀殺本夫尤屬淫兇自應審明本夫是否  
縱姦及已未殺死各按律例治罪不得曲爲寬減此  
案王二小與申姚氏通姦本夫申月明知情縱容王  
二小因姦情熱起意誑令申姚氏謀死申月明圖娶  
姚氏爲妻向姚氏捏稱伊夫欲行價賣不如將夫毒  
死免得賣與他人受苦并可作長久夫妻姚氏初猶  
未允後被王二小再三勸誘亦卽允從王二小卽將

夫謀殺教令  
伊媳犯姦之翁  
擬斬監候案載  
殺一家三人條

家存藥蟲餘信用布包裏密交姚氏帶回姚氏乘伊  
夫外出將信毒攪入麵內走回母家瞥見王二小經  
過趕向告知下毒情由並問王二小何以知伊夫欲  
行姦賣王二小答以捏造姚氏心生後悔當向抱怨  
王二小恐事發問罪亦生懊悔卽令姚氏趕回毀棄  
毒麵姚氏因時已夜晚於次早回家見伊夫正在服  
食毒麵姚氏卽奪下麵碗擲棄並向伊夫哭訴情由  
伊夫旋即毒發嘔吐姚氏喊同鄰人並通知伊父一  
同灌救痊愈卅月明找保報驗姚氏亦自行投案該



督以申月明之不死皆因該氏起救所致與本夫受  
毒後自行救痊者不同將該氏於因姦同謀殺死縱  
姦本夫傷而未死斬候例上量減一等擬流收贖並  
以王二小因姚氏向其查詢即行實告復經後悔商  
令棄毀罪題情亦可原將該犯於謀殺人傷而未死  
造意者絞候律上量減一等擬流等因詳核案情姚  
氏聽信姦夫王二小捏告伊夫欲將伊價賣之言輒  
敢聽從謀毒本夫越九日該氏乘間下毒走回母家  
向王二小問知係屬捏造始行懊悔該氏何以不問

於商同謀害之時而問於已經下毒之後且該氏既  
經後悔如果實有不忍致死其夫之心明知麪內已  
下信毒豈不慮及伊夫必遭慘害何以不卽晝夜趕  
回告知伊夫棄毀毒麪乃從容暇豫遲至次日始行  
回家幸值伊夫甫經服毒得以灌救遂愈否則受毒  
已深趕救已屬無及顯係該氏甘心聽從謀毒次早  
回家探聽適值伊夫正在服食毒麪恐毒發後被其  
道破假粧誤信後悔情形希冀伊夫聽信得以掩飾  
重罪是該氏所供懊悔趕救之言殊不可信至王二

小既敢捏詞誣誘商令姚氏謀毒本夫圖娶為妻其  
居心實屬淫惡亦斷無蓄意欲殺於先因姦婦一言  
抱怨卽懊悔於後之理卽使姦婦姦夫後悔屬實而  
所欲殺之申月明業已被毒在尋常謀殺人傷而未  
死尙難寬其縲首之罪况係因姦商同姦婦謀毒本  
夫一則名分所係一則風化攸關豈可率爲開脫卽  
該氏等實有可原之情亦祇可俟秋審時酌量核辦  
未便於爰書甫定遽議寬減案情旣多疑實罪名有  
關出入應駁令研審確情另行妥擬

嘉慶二十三年  
諭帖

謀殺縱姦本夫  
未死復行毆斃

旋據遵駁將姚氏改擬斬候王二小改擬絞候見  
成案

蘇撫題陳來寶商同姦婦葉周氏謀毒縱姦本夫  
未死復行毆斃一案檢查嘉慶二十三年直隸省咨  
王二小因姦商同姦婦姚氏謀殺縱姦本夫申月明  
傷而未死將王二小姚氏俱量減擬流經本部駁令  
另擬該省將姚氏擬斬監候王二小擬絞監候題結  
在案此案陳來寶因葉阿掌縱容伊妻周氏與該犯  
通姦嗣葉阿掌向陳來寶索錢不給欲行拒絕陳來  
寶懷忿起意將葉阿掌謀死即取藥鼠砒毒向周氏

告知謀毒情因將砒毒交給周氏囑令下毒周氏不允陳來寶聲稱如不聽從立將砒毒令葉阿掌看視稱係該氏買來謀毒周氏被嚇允從當晚周氏將砒調入粥內給葉阿掌服食葉阿掌喫喝數口用筋撈撥周氏心生不忍勸阻莫食葉阿掌查問周氏將謀情告知葉阿掌生氣往向陳來寶拚命陳來寶聽悉謀情敗露葉阿掌必不甘休起意毆斃其命卽攜木棒槌毆傷其胸膛葉阿掌逃出陳來寶追趕周氏上前奪下棒槌陳來寶將周氏推跌復取木門櫂毆傷

葉阿掌顛門倒地周氏喊救陳來寶逃走葉阿掌因傷殞命周氏欲行報驗被陳來寶嚇禁隱忍地保陸泳義查知報縣將陳來寶依本夫縱妻通姦被姦夫起意謀殺例擬以斬候係屬照例辦理至姦婦葉周氏被姦夫陳來寶嚇逼聽從謀毒伊夫葉阿掌如果伊夫被毒斃命該氏應照知情同謀例擬斬立決今該氏於伊夫喝粥數口後卽向欄阻并吐實情葉阿掌死由被毆並非毒斃惟葉阿掌業經服食卽屬受傷係屬已傷之案與直隸省姚氏一案情節無二卽

總從姦夫謀殺  
縱姦本夫未傷

該氏尙有不忍致死其夫之心祇可俟秋審時酌核  
辦理現在該省將該氏照知情同謀傷而未死例擬  
斬監候應請照覆

道光六年說帖

山西司 查律載謀殺人已行未曾傷人爲首者杖  
一百徒三年爲從同謀杖一百又例載縱容妻妾與  
人通姦被姦夫起意謀殺姦婦知情同謀傷而未死  
姦婦擬斬監候各等語是妻妾謀殺縱姦本夫傷而  
未死例有明文至行而未傷之案並無作何治罪之  
條卽詳查集註內載謀殺人而誤殺旁人共同謀不

加功之犯若照謀殺本法則太重且與以故殺論之  
法不符則應止照謀而已行未曾傷人科斷爲從亦  
止擬杖今山西省吳王氏聽從姦夫吳萬鈞謀殺繼  
姦本夫行而未傷該撫審照傷而未死於斬罪上量  
減擬流改發駐防兵丁爲奴不准收贖已屬從嚴辦  
理似可照覆伏候

鈞定 乾隆五十二年說帖

廣西司 查乾隆五十年安徽省汪二與吳舍未婚  
妻葉氏通姦謀毒本夫吳舍身死聲明葉氏並無知

姦夫謀死未婚  
夫姦婦不知情



過門童養未婚  
之妻謀死本夫

情同謀情事因例無明又援引乾隆八年安徽省會  
大猶及十二年直隸省舉存等因姦謀害未婚夫身  
死姦婦止科姦罪成案將葉氏照軍民相姦例擬以  
枷杖題結在案此案黃名因姦起意將張氏丁腰未  
婚夫蘇亞三謀死該撫以張氏丁腰並不知情照例  
擬以枷杖核與辦過汪二等成案相符似可照覆奉  
諭查童養妻與人通姦被姦夫謀殺未婚夫之案比定  
等因遵復檢查乾隆四十三年湖南省有過門童養  
之田氏戀姦商同姦夫田靠添謀殺未婚夫張成業

出嫁二日被殺  
姦夫謀殺其夫

身死門氏仍照因姦謀死親夫律凌遲處死一案此  
外並無此項成案惟查二十二年廣東省小張氏先  
在母家與錢至隆通姦迨聞出嫁有期卽已杜門拒  
絕詎錢至隆因不能復合於小張氏已嫁之次日希  
冀結姦起意將木夫會成茂謀死該撫將小張氏照  
姦婦雖不知情擬絞聲明室女與人通姦姦夫自殺  
許配之夫歷來成案止科姦罪小張氏雖已嫁夫僅  
止兩月其與錢至隆通姦係在未經出嫁以前與已  
經成婚之後復招引姦夫往來以致本夫被害者有

刑經本部議將小張氏改依軍民相姦例擬以枷杖  
題結在案今張氏丁腰與黃名通姦係在未經許配  
蘇亞三之前迫許給之後該氏卽行拒絕與已成婚  
及過門童養復招引姦夫往來致將本夫殺害者不  
同該撫將該氏擬以枷杖似可照覆

乾隆六十年說帖

山西司

據理藩院會議定邊將軍奏喇嘛勞章與

巴彥通姦謀殺未婚之夫端多布身死一案查律載

因姦同謀殺死親夫者姦夫斬監候若姦夫自殺其

夫姦婦雖不知情亦絞監候又例載姦夫起意殺死

親夫之案擬斬立決又本夫於姦所登時殺死姦夫者勿論遂至門外殺之者杖八十若姦所獲姦非登時而殺依夜無故入人家已就拘執而擅殺律杖一百徒三年又聘定未婚之妻與人通姦本夫聞知往捉將姦夫姦所登時殺死及登時遂至門外殺之者俱照本夫殺死已就拘執之姦夫例擬徒其雖在姦所捉獲非登時而殺卽照滿徒例加一等擬流又比引律載既聘未娶子孫之婦鬻舅姑比似子孫違犯教令律杖一百各等語是姦夫自殺其夫姦婦不知

情亦絞並姦夫起意殺死親夫姦夫擬斬立決各條俱係指殺死已成婚之本夫而言至聘定未婚之女與人通姦姦夫起意自殺未婚之夫姦夫及犯姦之女律例雖無治罪明文惟查未婚之妻與人通姦而本夫殺死姦夫既較已婚之本夫加重治罪並不一例同科則姦夫自殺未婚之夫自未便與殺死親夫並論至姦婦雖不知情亦絞之例原以成婚之婦招引姦夫入室致將本夫殺害故加重問擬若未婚之女猶在母家未至本夫之室服制並未從夫卽冒

罵翁姑例止杖責與已成婚之婦迴不相伴則姦夫  
自殺其夫自亦未便與已成婚之婦一例擬絞此案  
喇嘛勞章因與巴彥通姦聞知巴彥許給端多布爲  
妻嗣勞章途遇端多布卽起意殺死冀圖娶其聘定  
之女巴彥爲妻當將端多布誘至河沿推溺身死該  
將軍將勞章依常人謀殺律擬斬監候巴彥止科姦  
罪核與例義相符應請照覆

道光二年說帖

廣西撫 題盧將因未婚妻與梁亞受通姦殺死姦  
夫一案緣盧將與梁亞受素識梁亞受向開煙鋪生

從未婚妻姦夫  
格殺拒捕姦夫

理慮將自幼聘定同村黃勝登之女黃凝嫜爲室尙  
未成婚黃勝登向與梁亞受往來交易其女黃凝嫜  
亦與熟識每因赴墟之便常至梁亞受舖內閑談嬉  
笑乾隆三十四年四月初十日黃凝嫜至舖梁亞受  
調戲求姦黃凝嫜未允而散十二日梁亞受至黃凝  
嫜家適黃凝嫜父母外出梁亞受許給黃凝嫜銀錫  
遂與成姦約於十九日送給至是日下午梁亞受以  
赴村買麥爲名至黃勝登家借宿黃勝登應允留食  
晚飯卽令堂屋宿歇黃凝嫜因姦好情密將門虛掩

等候梁亞受於黃勝登進房寢後卽推門進房與黃  
凝嫿姦宿詎盧將向見黃凝嫿與梁亞受來往懷疑  
未擇是日從黃勝登門首經過又見梁亞受在彼至  
晚復赴窺探未回并探知留宿益加忿激隨起意捉  
姦歸告伊父盧文清盧文清以次日理論爲詞盧將  
恐事無憑據難以理斥俟盧文清睡後卽密赴伊母  
舅陸文生家告知情由邀令相幫陸文生應允盧將  
又往邀鄰人趙弟趙襄并攜帶木棍齊抵黃勝登欄  
房下盧將囑令陸文生等在欄下等候獨自帶棍上



曉臺叫門黃勝登聞喊點燈起視盧將進屋責問黃  
勝登未及回答黃凝嫜聽聞驚覺將梁亞受推醒梁  
亞受急起奔出房外盧將瞥見氣忿即用棍向毆致  
傷梁亞受左額角黃勝登上前攔阻將燈帶滅梁亞  
受乘間逸出門外曉臺躡身欲跳盧將隨後趕至恐  
其脫逃復舉棍毆傷梁亞受頂心梁亞受跌下曉臺  
并搥傷右額顧盧將亦卽走下曉臺同陸文生等將  
梁亞受擒獲盧又清聞聲趨視令盧將往報甲長盧  
將拉出黃凝嫜與梁亞受拴投甲長送究至次早梁

亞受因傷殞命將盧將照罪人不拒捕而擅殺律擬絞監候黃凝嫖等擬以枷杖等因查此案盧將聘定黃勝登之女黃凝嫖爲妻同村居住目擊客民梁亞受在黃凝嫖家走動住宿無忌乘夜往捉見梁亞受果從黃凝嫖房內走出用棍毆逐兩傷拴投甲長梁亞受於次日殞命該撫因例內並無未婚之夫許其捉姦之文將盧將照罪人不拒捕而擅殺律擬絞查聘定已有夫婦之名姦情許以捉獲爲據若本夫聞知伊聘定之妻與人通姦非常場現獲則事屬無憑

控告既難白之當官休棄又無以折服妻族是未婚  
之夫聞姦往捉固出於勢之所不得已而亦爲情理  
之所固然倘姦夫業經脫逃或已就擒獲輒復逞兇  
毆斃固難寬其擅殺之罪而事係登時毆由追逐若  
此等情節在應許捉姦之親屬尙得援照捉姦各條  
問擬而以聘定之夫竟同凡論殊失平允臣等悉心  
酌議本夫捉姦律例已屬周詳惟已聘定尙未過門  
成親之妻本夫捉姦將姦夫殺死例無明文設遇此  
等案件外省問擬易致參差與其往返駁詰臨時更

張莫若預定科條易於遵守請嗣後凡有一經聘定  
未婚之妻與人通姦本夫聞知往捉將姦夫殺死將  
明姦情屬實除已離姦所非登時殺死不拒捕姦夫  
者仍照例擬絞外其登時殺死及登時逐至門外殺  
之者俱照本夫殺死已就拘執之姦夫引夜無故入  
人家已就拘執而擅殺律擬徒例擬徒其雖在姦所  
捉獲非登時而殺者卽照本夫殺死已就拘執之姦  
夫滿徒例加一等杖一百流二千里如姦夫逞兇拒  
捕爲本夫格殺照應捕之人擒拿罪人格鬪致死律

勿論如此辦理罪名既各有區別引斷亦更加詳密  
今此案盧將殺死未婚妻之姦夫梁亞受其通姦之  
處業據黃凝璋及伊父黃勝登供認確鑿毫無疑義  
而用棍逐毆意圖擒獲適傷致斃核其情罪實係登  
時逐至門外毆殺請將盧將改照本夫殺死已就拘  
執之姦夫引夜無故入人家已就推執而擅殺律擬  
徒例杖一百徒三年等因乾隆三十四年十二月初  
三日奉

旨依議欽此 通行已纂例

夫因姦殺死  
本夫另釀二命

謀殺親夫誤殺  
夫弟姦夫實就

安撫 題牛志發與李杜氏通姦經伊妻李氏撞破  
爭鬧將李氏搭死又恐杜氏之夫李金萬知覺姦情  
不依起意致死乘間推跌李金萬落水斃命以致李  
杜氏悔恨自縊身死將牛志發依姦夫殺死親夫例  
擬斬立決該犯因姦謀斃二命復致自盡一命情節  
較重應傳首梟示 嘉慶二十三年案

東撫 題梁高氏因姦謀毒本夫梁車子誤毒夫弟  
梁斌子身死一案查律載謀殺夫已行者斬又例載  
謀殺人以致下手之犯誤殺旁人將造意之犯擬斬

監候知情買藥者杖一百流三十里各等語此案梁高氏因與艾繼美通姦情熱起意將本夫梁車子謀死囑令艾繼美買信艾繼美卽將藥蟲餘信交給該氏乘間將信和入粥內詎氏姑劉氏同夫弟梁臧子伊夫梁車子先後食畢均各嘔吐劉氏梁車子經救得生梁臧子被毒斃命查高氏因姦謀死親夫以致誤斃夫弟按謀殺人而誤殺旁人以故殺論律應斬候自應從重問擬該省將高氏依謀殺夫已行律擬以斬決與律相符至艾繼美聽從高氏給與信毒謀

刑部題  
欽謀殺夫致斃  
翁命姦夫買砒

殺本夫以致誤斃旁人按謀殺人而誤殺旁人案內  
知情買藥例止擬流惟該犯因姦聽從姦婦謀殺本  
夫以致誤斃夫弟並誤毒氏姑本天傷而未死實屬  
淫兇該省擬發新疆種地當差尙覺情浮於法艾繼  
美應改發新疆爲奴以示懲儆  
嘉慶十九年說帖  
雲督 奏陶刁氏因姦謀斃伊翁並商同姦夫謀毒  
親夫陶成玉未死一案該省將陶刁氏依謀殺夫之  
父已殺者律凌遲處死於審明後恭請

王命先行正法周囑意照謀殺人傷而不死從而加功律



擬流聲明情節較重應如何加等治罪聽候部議等  
因查周惲意聽從姦婦陶刁氏謀毒親夫陶成玉未  
死復致姦婦謀毒其翁斃命雖陶刁氏之謀斃伊翁  
實係獨謀諸心未向該犯告知但致死之因究由與  
該犯商謀毒斃本夫該犯買給毒藥而起若僅依謀  
殺人傷而不死從而加功律擬流置釀成逆倫重案  
於不論殊覺情浮於法檢查嘉慶十九年改遣爲奴  
之姦夫艾繼美核與此案情事大同小異惟現在新  
疆停止發遣自應比例問擬周惲意應比照婦女與

謀殺而誤殺人  
二命姦夫買死

人父子通姦致其子因姦謀殺其父釀成逆倫重案  
將犯姦之婦實發駐防給兵丁爲奴例實發駐防爲  
奴  
道光七年說帖

晉撫 題李鄭氏等謀毒小李王氏誤將衛十一老  
李王氏毒死一案緣老李王氏之子李春子係李鄭  
氏之夫李均鳳小功服姪因李鄭氏與牛豪傑通姦  
被李春子之妻小李王氏撞破李鄭氏央其不可聲  
揚被斥懷恨起意毒死小李王氏洩忿卽告知牛豪  
傑令其買信半豪傑應允買得砒信一包交給李鄭

氏收藏飼李鄭氏聞知鄰人楊張氏邀老李王氏坤  
宿意料是夜祇有小李王氏在家遂用信末和麪烙  
餅兩枚更餘獨自潛至小李王氏門首見審門已關  
卽將毒餅放於門限之外欲俟次早小李王氏開門  
拾食詎是夜老李王氏令小李王氏赴楊張氏家伴  
宿次早老李王氏開門拾獲麪餅藏放懷內赴衛張  
氏家問談告知拾餅之事取出給看衛張氏幼子衛  
十一看見欲食老李王氏將餅與衛十一分食旋據  
老李王氏衛十一毒發殞命查老李王氏係李鄭氏

之夫大功兄嫂應同凡論將李鄭氏依謀殺人而誤殺旁人以故殺論律擬斬監候牛豪傑聽從李鄭氏買信謀毒小李王氏該犯僅止將信交給李鄭氏收藏其誤將衛十一老李王氏毒死並非該犯下手致死固未便科以加功纒首之罪但該犯係知情買藥之人既無傷罪可科該撫因例無專條比附名例內犯罪分首從隨從者減等擬流引例究未允協牛豪傑應改照謀殺人從而不加功律杖一百流三千里并請嗣後凡用毒藥謀殺人而誤殺旁人案內如有

因姦謀殺本夫  
旁人知情買砒

知情買藥者卽照此例辦理等因題准

嘉慶六年通行

嘉慶十四年修例時按牛豪候之案纂入例文

雲撫題李蔡保與李氏通姦起意商同李氏毒死

親夫李搖先並普老十知情買藥一案該省以李蔡

保因與李氏通姦情密商允李氏謀毒本夫李搖先

致斃將李氏依因姦謀殺親夫律凌遲處死李蔡保

依姦夫起意殺死親夫律擬斬立決普老十雖訊非

與李氏通姦第貪利知情買藥親手擲給李氏卽與

同謀加功無異將普老十依謀殺加功律擬絞監候

等因該司以普老十將毒藥擲給李氏後李氏將夫  
毒斃其間相去半月有餘李氏毒斃本夫該犯並未  
在場幫同下藥核與商謀人命臨時又復加功者不  
同駁令照謀殺人從而不加功律定擬<sub>職</sub>等卷查嘉  
慶十三年據廣西省以謀殺人而誤殺旁人案內知  
情買藥之犯應否照謀殺人從而不加功律擬流咨  
請部示經本部查謀殺人誤殺旁人律以故殺論故  
殺之案並無從犯若以照故殺論罪之案而牽引謀  
殺加功不加功之律殊與真正謀殺之案無所區別

且謀毒案內知情買信之犯亦與尋常之犯應分別  
加功不加功者不同以必能殺人之物既已知情買  
給以致死者受毒身死藥已入口卽屬下手與謀殺  
案內遞給刃仗以致殺人者情罪相仿自不得以不  
加功論例內謀殺人以致下手之犯誤殺旁人造意  
者照故殺律擬斬監候下手傷重致死者杖一百流  
三千里其知情買藥之犯自應與下手傷重致死者  
問擬滿流等因容覆并於嘉慶十四年修例時於例  
內改爲謀殺人以致下手之犯誤殺旁人將造意之

犯擬斬監候下手傷重致死及知情買藥者杖一百  
流三千里頒行各省遵照在案是謀殺人而誤殺旁  
人案內知情買藥之犯既與下手傷重致死者同科  
滿流則真正謀殺案內知情買藥之犯自應與下手  
傷重致死者並以加功論絞此案李蔡保因與李氏  
通姦情密商同李氏謀毒親夫李搖先致斃該省將  
李氏依律凌遲處死李蔡保依例擬斬立決查核情  
罪均屬相符至曹老十於李蔡保告知謀殺李搖先  
實情許以事後謝給水田該犯貪利代爲買得毒藥



因姦謀殺子女  
姦大知情買砒

與李蔡保一同在路旁等候將毒藥擲給李氏以致  
李氏將李搖先毒斃是該犯以必能殺人之物知情  
買給以致死者受毒殞命藥已入口卽屬下手加功  
該省擬以縊首原無錯誤若如該司所議以該犯並  
未到場幫同下藥不得謂之加功不惟與謀殺人而  
誤殺旁人例內知情買藥之犯無所區別且與本部  
咨覆廣西省請示案內所議亦自相矛盾職等再四  
公商晉老十一犯應請交司照覆

嘉慶十七年諭帖

東撫題張劉氏商同姦夫張作文毒斃子女張小

花健等滅口一案此案張作文因與張劉氏通姦被  
該氏年甫九歲之繼子張小花健及乞養女王張氏  
撞破張劉氏恐姦情敗露起意將王張氏張小花健  
毒死滅口潛與該犯商允該犯購買信藥交與張劉  
氏放入粥內給王張氏張小花健分食旋各毒發身  
死該犯以必能殺人之物聽從姦婦買給致將年甫  
九歲之幼孩張小花健並王張氏毒斃卽屬下手加  
功該省將該犯依謀殺不加功例擬流係屬錯誤該  
司時照謀殺十歲以下幼孩從而加功例擬絞立決

謀毒本夫聽從  
許給餘剩此項

核與十三年議覆廣西省請示及十七年雲南省普  
老十以案相符應請照辦至因姦敗露將繼子及亡  
養女一人毒斃滅口罪應斬候之張劉氏查核情罪  
允協以可照覆  
嘉慶二十一年說帖

河撫題杜老四與張張氏通姦謀死本夫張圉一  
案檢歷十七年雲南省題李蔡保因姦謀毒本夫李  
搖先身死案內知情買藥之普老十依謀殺加功律  
擬絞起結在案此案杜老四與張二狗之妹張張氏  
通姦張二狗知情利資縱容本夫張圉並不知情同

張張氏向杜老四道及伊夫張國痴傻不懂人事家  
又窮苦難度杜老四戀姦情熱起意將張國毒死圖  
娶張張氏做長久夫妻與張張氏張二狗商量張二  
狗怕事未允杜老四謊言有事伊一人承當張二狗  
亦卽允從杜老四憶及前令張二狗買砒礪毒蟲尙  
有餘剩卽令我去交給張張氏致張張氏乘機將張  
國毒斃查張二狗固未當場幫助惟砒礪係必能殺  
人之物與他物金刃殺人從犯應分別加功不加功  
者不同毒藥旣已入口卽與加功無異且查謀殺人

以致下手之犯誤殺旁人例內既將下手傷重之犯  
與知情買藥者同一擬流則真正謀殺案內知情給  
藥之犯自應與幫同下手者並以加功論絞今該省  
將該犯依不加功擬流殊屬輕縱應將張二狗改依  
謀殺人從而加功律擬絞監候事犯在嘉慶二十五  
年八月二十七日

恩詔以前該犯先既縱容伊妹與杜老四通姦後復與謀  
給藥毒斃妹夫應不准免罪惟該犯同謀加功尙無  
挾嫌貪賄別情照奏定章程酌入緩決

道光元年說帖

姦夫聽從買砒  
本夫係死於砒

謀殺妯娌誤號  
旁人姦夫買砒

安撫 題陳四榜聽從姦婦楊胡氏謀殺本夫楊泰  
攻該犯預買信毒楊胡氏下毒後因夫吐出不食用  
刀將夫疊砍致斃查楊泰後雖死於傷不死於毒究  
由該犯商諄所致未便因本夫非死於該犯所給之  
信稍寬其因姦謀殺之罪應照因姦聽從謀殺親夫  
律擬斬監候 道光元年案

河撫 題胡梁氏謀毒胡王氏誤毒王楊氏身死一  
案此案梁氏因與總麻夫叔胡秋喜通姦被夫弟之  
妻王氏撞見屢將該氏輕薄嘲笑梁氏恐王氏張揚

姦情起意將王氏致死滅口潛向胡秋喜相商囑令  
買取毒藥胡秋喜應允將毒蟲存剩砒礬給與梁氏  
收存適王氏患病其母王楊氏赴彼看望梁氏見王  
氏之女嬌姐在廚房煮粥乘間將砒礬放入嬌姐將  
粥煮好王楊氏先行取食旋即毒發殞命查梁氏因  
與胡秋喜通姦被王氏撞破起意將王氏毒死滅口  
以致誤毒王楊氏身死是所殺非所謀之人自應依  
謀殺人而誤殺旁人以故殺論科斷胡秋喜知情買  
藥例有問擬杖流專條該犯與總麻姪媳通姦例應

伊姑縱媳通姦  
姦夫謀殺本夫

擬軍應從其重者論該省將梁氏依謀殺人而誤殺  
旁人以故殺論律擬斬監候胡秋喜依姦總麻以上  
親之妻姦夫例發附近充軍查核情罪相符應請照  
覆

嘉慶十七年說帖

陝撫 題胡秀與蔣氏通姦毒死本夫胡馬家保一  
案此案蔣氏之夫胡馬家保賦性癡呆成婚十載並  
未同牀伊姑張氏欲將蔣氏另贅傭工之胡秀為婿  
旋經伊叔阻止胡秀遂與蔣氏通姦伊姑張氏明知  
縱容本夫胡馬家保曾經撞遇嗣胡秀起意將本夫



毒死希冀入替隨用火照草根搗爛烙餅乘便之食  
適胡馬家保送糞箕至胡秀家即將毒餅餅食回家  
殞命細核案情胡馬家保自幼癡呆既不知有夫婦  
之事則胡秀與蔣氏通姦豈可以曾經撞遇遽加以  
縱容之名況撞遇一語祇出自姦夫姦婦之口亦年  
人所共知是胡馬家保之縱容並無確據至蔣氏與  
胡秀通姦雖伊姑張氏素屬知情查縱容子孫之婦  
與人通姦與本夫之縱容同罪此原指縱容犯姦者  
而言至姦夫謀殺本夫豈得以本夫之父母縱容竟

援本夫縱容姦例而貸姦婦之重罪駁令受擬去後旋據該撫將胡秀依姦夫自殺其夫例擬斬蔣氏改依姦婦雖不知情律絞候張氏照縱姦律杖九十

乾隆三十四年題准案○照所見集錄

姦夫姦婦同謀殺買休木夫

河撫二題曹氏因姦謀殺知情買休之夫鄭大賓身死一案查例載嫁娶違律應行離異者與其夫有犯如係知情買休雖有媒妁婚書依凡人科斷等語此案曹氏因夫故嫁與單靜爲妻單靜因其悍潑與鄭大賓爲妻鄭大賓知情買休該氏旋與彭添才通

妻夫毆死買休  
本夫

姦嗣因繼姦情熱商約彭添才將鄭大賓謀殺身死  
查該氏係死者知情買休之婦律應離異有犯應以  
凡論該圖將該氏依謀殺人造意律擬斬監候彭添  
才佞從而加功律擬絞監候情罪均屬相符應請照  
擬

嘉慶二十一年說帖

川督 題曹世明戮傷辛倖身死一案此案曹世明  
與陳氏通姦固屬罪人惟陳氏係已死辛倖知情買  
休之妻律應離異不得謂之本夫其將辛倖砍戮斃  
命自應仍照凡鬪鬥擬該省將該犯依鬪殺律擬絞

監候陳氏照軍民相姦例擬以枷杖情罪均屬相符

應請照覆  
嘉慶十八年說帖

謀殺本夫未死  
妻妾從而加功

吉林將軍 咨趙氏聽從姦夫翟文魁謀殺本夫吳

那傷而未死一案查律載謀殺夫已行者斬註云不

問已傷未傷又例載本夫縱容妻妾與人通姦或被

妻妾起意謀殺或姦夫起意係知情同謀姦婦皆擬

斬立決姦夫擬斬監候傷而未死姦婦擬斬監候姦

夫仍照謀殺人傷而不死律分別造意加功定擬又

律載謀殺人傷而不死造意者絞監候從而加功者

杖一百流三千里各等語是姦婦聽從姦夫謀殺本夫傷而未死擬斬監候之例係指本夫縱容通姦之案而言若本夫並未縱容按謀殺夫已行不問已傷未傷卽應擬斬立決因姦謀殺夫傷而未死之案自不得轉較僅止謀殺爲輕應照謀殺夫已行本律問擬此案翟文魁因與趙氏通姦本夫吳郡並不知情嗣翟文魁至該氏家看望適趙氏同母王氏在屋間談翟文魁憶及伊與趙氏通姦終非長久之計起意勒斃吳郡以便與趙氏成永遠夫婦商允趙氏俟吳

郡睡熟喚翟文魁入屋謀害並囑令王氏幫同下手  
趙氏與王氏按住吳郡兩腮翟文魁用繩套其項脖  
用力拉勒致將咽喉勒傷吳郡猛力掙脫翟文魁畏  
懼跑走旋被拿獲查趙氏與翟文魁姦好本夫吳郡  
既非知情縱容其聽從翟文魁將本夫謀勒傷而不  
死自應照謀殺夫已行本律問擬該將軍將該氏依  
本夫縱容通姦之姦婦同謀殺死親夫傷而未死例  
擬斬監候係屬錯誤趙氏應改依謀殺夫已行者斬  
律擬斬立決翟文魁因姦商同姦婦謀殺並非縱姦

本夫傷而未死律例內雖無治罪明文自應仍照謀  
殺人傷而不死本律問擬至趙王氏聽從伊女姦夫  
翟文魁謀勒伊婿幫同下手恩義已絕應同凡論該  
將軍將翟文魁依謀殺人傷而不死造意者絞律擬  
絞監候王氏依謀殺人傷而不死從而加功律擬杖  
一百流三千里查核情罪允協是也如斯恭候

鈞定 嗣交司將趙氏改擬斬決王氏明知其女與人  
通姦並不阻止復聽從謀殺加功應依律擬流不准  
收贖

光緒十九年奉天司設帖

增縱姦被殺妻  
母從而不加功

陝督 題甘肅狗兒謀殺縱姦本大杜朵朵得兒一  
案查案內同謀不加功之李氏雖係杜朵朵得兒妻  
母但既經縱女賣姦復同謀致死其婿實屬兇狠無  
心該督依凡人謀殺人從而不加功律間擬滴流仍  
予收贖殊覺情重法輕似應酌發駐防兵丁為奴姦  
婦杜安氏於姦夫謀殺本夫並不知情其犯姦係本  
夫縱容例得仍科姦罪惟該氏先經伊母縱姦後復  
被伊母致死其夫今仍將該氏離異歸宗誠如

鈞諭於情理實有未協應令該督將該氏當官嫁賣以



張夫自行被殺  
縱姦本夫

昭平允 乾隆五十七年說帖

盛京刑部 題徐幘棟故殺潘五一案此案徐幘棟與  
潘高氏通姦本夫潘五利資縱容嗣徐幘棟無方終  
助潘五屢次纏索徐幘棟心生厭惡後徐幘棟赴屯  
索欠路經潘五家潘五索錢沽酒其飲潘五亦欲外  
出討米一同出門下晚徐幘棟回歸途遇潘五同行  
潘五身有殘疾途中屢次坐歇徐幘棟言欲先行潘  
五揪住不放至更餘時潘五復欲歇息徐幘棟著急  
催逼潘五揪住混罵徐幘棟氣忿用手持木棒毆其

左膝一一下潘五跌地肆罵徐幗棟氣極頓起殺機  
用木棒毆戮其額門等處恐其未死又用麻繩套入  
潘五項頸拴繫樹挺立斃因鞋隻脫落將潘五鞋誤  
穿一隻走回經保長查見屍身向屍妻高氏告知高  
氏聲稱伊夫與徐幗棟一同出門必係伊害死隨往  
見屍鞋各樣認係徐幗棟鞋隻同往搜獲血衣將犯  
拿獲查徐幗棟與高氏通姦潘五知情縱容業據屍  
兄潘三等供證確鑿徐幗棟故殺潘五後係屍妻指  
認破案其為並非知情同謀已無疑義至徐幗棟致

死縱姦本夫既訊係有心欲殺無論謀故罪名同一斬侯高氏係伊夫姦姦既非知情同謀按例止科姦罪該侍郎審無因姦同謀情事將徐曰棟依故殺律擬斬監侯高氏依縱妻與人通姦姦婦杖九十律擬杖九十罪名並無出入應請照覆毋庸駁審

嘉慶十七年奉天司說帖

謀殺縱姦本夫  
姦婦實夥

川督 題趙允信勒斃縱姦本夫馮漢又唐仲道謀殺縱姦本夫黃元芳身死二案查趙允信係因與馮漢之妻劉氏通姦馮漢利資縱容該犯因屢被馮漢

謀殺縱姦本夫  
姦婦係被姦夫  
誘通勒從仍應  
斬決案載殺  
家三人條江蘇  
丁司氏

借錢纏擾不休無錢生氣隨將馮漢勒斃唐仲道係  
與黃元芳之妻林氏通姦黃元芳利資縱容嗣黃元  
芳向唐仲道借錢無給卽斥伊無情不許與林氏行  
姦唐仲道忿恨隨用鋤頭木柄將黃元芳毆斃是該  
二犯均係謀殺縱姦本夫姦婦並不知情該省將趙  
允信唐仲道均依謀殺縱姦本夫例斬候與例相符  
至此等不知情之姦婦與謀殺並未縱姦本夫案內  
之姦婦不同按例仍依縱姦本條科斷並無分別當  
時喊救事後首告及變姦等之又該省以趙允信

晉撫題韓王氏  
於姦夫謀殺縱  
姦本夫並不同  
謀迨事後知情  
被姦夫嚇扎受  
傷無奈隱忍應  
照夫被殺妻私  
和律擬徒嘉慶  
二十二年案

經姦本夫被殺  
姦婦事後知情

案內之姦婦劉氏事後並未再與姦夫姦宿仍照縱  
姦本律擬杖係屬按例辦理其唐仲道案內之姦婦  
林氏於伊夫被殺後因被嚇阻並不報官復與姦宿  
較劉氏案情節為重該省擬照姦婦不知情絞律上  
減一等實發駐防為奴係援照嘉慶七年陳張氏舊  
案辦理既有成案可循似亦祇可照覆  
嘉慶二十一年說帖  
陝督 題朱興貴因與馮氏通姦將縱姦本夫張先  
勝謀死屍兄張先簡受賄私和馮氏雖先不知情但  
事後既經告知並不首告未便仍照縱容本律科斷

謀殺從姦本夫  
姦夫未經同行

姦夫謀殺縱姦  
本夫死係卑切

將馮氏照夫為人所殺妻私和律擬徒  
嘉慶十九年案

貴撫 題向二第聽從姦婦謀殺縱姦本夫該犯因

膽小並未同行若照凡人謀殺人從而不行律擬以

滿徒究係因姦謀殺與凡人同科未免輕縱應將向

二第依謀殺人從而不加功律擬流  
嘉慶二十四年案

河撫 題敬二妮因與小功弟妻通姦起意謀殺縱

姦本夫身死該省照謀殺小功卑切律擬絞監候本

部以親屬相姦殺死並未縱容之本夫例不以服制

論則殺死縱姦本夫亦應照平人科斷將敬二妮改

兩族夫商同將  
縱姦本夫謀殺

依謀殺人造意律擬斬監候

嘉慶十九年案

南撫 題陳七曾二與陳柳氏通姦陳七起意商同  
陳柳氏並曾二將縱姦本夫陳上與謀殺身死一案  
陳柳氏應照本夫縱容通姦姦夫起意謀死姦婦知  
情同謀例擬斬立決陳七依姦夫擬斬監候其曾二  
一犯該省照凡人謀殺加功律擬絞監候等因查例  
載本夫縱容妻妾與人通姦妻妾起意謀殺姦婦擬  
斬立決姦夫擬斬監候等語誠以因姦謀殺與尋常  
謀殺之案不同凡係知情加功卽例應斬候不得依

平人加功律分別首從定擬其聽從姦夫起意謀殺  
本夫加功之姦夫例內雖無明文但既同係因姦謀  
命加功之犯自應一體照例擬斬監候此案曾二同  
陳七均與陳柳氏通姦本夫陳上與知情縱容陳七  
起意將陳上與謀殺該犯聽從加功若僅照平人加  
功律擬絞監候是將因姦謀命加功之姦夫與平人  
加功之犯一例同科不惟情理未協亦與定例不符  
曾二應改依姦夫斬候例擬斬監候等因題准通行

嘉慶元年說帖○六年纂例時按語查此案係本  
夫縱姦之案若本夫並未縱姦被姦夫虐婦謀死



姦夫謀殺縱姦  
本夫死係首長

者其爲從加功之姦夫亦當照此辦理例內毋庸標出縱姦二字以歸畫一又查殺姦案內爲從加功之犯係姦夫自應照例斬候若係平人仍照凡人謀殺加功律擬絞監候應增入以昭該備

山西司 查例載親屬相姦罪止杖徒及律應監候者如姦夫與姦婦商通謀死本夫姦夫擬斬立決等語又乾隆四十九年四月本部題覆安徽省程尙儀因圖姦姪婦未成被伊小功服婦劉氏罵氣忿故殺劉氏身死將該犯依故殺本宗小功尊屬律擬斬立決一案欽奉

諭旨酌擬專條經本部議將罪無可加者於援引服制本

通行載厥大功  
以下尊長條

律之上俱聲叙卑幼因姦改殺尊長字樣以昭明切  
等因奉准通行纂例在案此案楊自侃與楊程氏通  
姦雖係本夫楊丁卯縱容但該犯係楊丁卯緦麻服  
姪其聽從加功謀殺緦麻尊長卽因他改起釁按律  
已罪應斬決今該犯係因姦謀殺罪名雖無可加而  
情節實屬較重若僅依致死尊長本律定擬似轉畧  
其因姦謀命重情如竟依圖姦故殺尊屬新例於服  
制本罪上添叙因姦故殺字樣而本案係本夫縱容  
業已成姦之案與圖姦有別今該撫援照親屬相姦

申幼聽從謀殺  
圖姦犯姦尊長

謀死本夫之例定擬似應照覆

乾隆五十六年諭帖

直隸司 查律載謀殺期親尊長不分首從皆凌遲處死謀殺總麻以上尊長皆斬註云不分首從又卑幼毆本宗及外姻總麻兄姊尊屬死者斬註云在本宗小功大功兄姊及尊屬則決餘俱監候不言故殺者亦止於斬也又弟妹毆兄姊姪毆伯叔父母姑至死者皆斬故殺者皆不分首從凌遲處死又例載期親卑幼聽從尊長主使勉從下手共毆以次期親尊長致死係尊長下手傷重致死卑幼幫毆傷輕或兩

卑幼聽從尊長主使共毆內一卑幼傷重致死一卑  
幼傷輕或有凡人聽糾幫毆係凡人下手傷重致死  
除下手傷重之犯各照本律本例分別問擬外下手  
傷輕之卑幼依律止科傷罪各等語此謀殺及毆故  
殺尊長並聽從主使下手擬罪之通律通例也又例  
載本天本婦有服親屬捉姦殺死本宗期功尊長無  
論是否登時皆照卑幼毆故殺期功尊長本律擬罪  
法司夾簽聲明奉

旨勅下九卿核議量從未減者期親及本宗大功小功均

減爲漸監候若殺係本宗總麻及外姻功總尊長亦  
仍照毆故殺本律擬罪法司核擬時如係登時殺死  
者亦夾簽聲明奉

旨勅下九卿核擬減爲杖一百流三千里若殺非登時各  
依本律核擬毋庸夾簽聲明又卑幼圖姦有服親屬  
被尊長忿激致死審有確據無論謀故悉照擅殺罪  
人各按服制於毆殺卑幼本律例上減一等定擬至  
爲從在場幫毆有傷之犯係死者有服卑幼仍照卑  
幼不得殺尊長之例依毆故殺尊長本律定擬法司

核擬時夾簽請

旨又尊長強姦卑幼之婦未成被本夫本婦忿激致斃係  
本宗期功卑幼罪應斬決者無論登時事後均照毆  
死尊長情輕之例夾簽聲明如係本宗總麻外姻功  
總卑幼除事後毆斃仍照毆故殺尊長本例問擬斬  
候外若登時忿激致斃一案時依律問擬法司核擬  
隨案減爲杖一百流三千里各等語此提姦殺死尊  
長及致斃圖姦強姦尊長之事例也誠以卑幼謀故  
毆殺總麻以上尊長律有凌遲斬決斬候之分其因

尊長犯姦及強姦圖姦將尊長致死亦各分別服制  
照謀故毆殺定擬者皆緣卑幼無擅殺尊長之例故  
仍按律治罪分別夾發請

旨減等係於執法之中已寓矜原之意其專例所未備者  
原有通律通例統之辦理自無軒輊茲該督以卑幼  
謀故毆殺犯姦尊長不當與毆起別故致斃尊長者  
同論捉姦及殺死圖姦強姦尊長例內止言毆故不  
及謀殺有犯概照毆故殺擬罪而捉姦例內並未議  
有爲從罪名殺死圖姦尊長例內爲從幫毆有傷之

有服卑幼仍照毆故殺尊長定擬夾簽聲請之處轉  
較別事犯尊爲重咨請部示不知例內但言毆殺舉  
此該彼若有犯謀殺尊長之案豈能概照  
毆故擬罪自應仍照謀殺本律問擬夾簽請

旨其捉姦殺死尊長爲從之卑幼係謀殺自有按律不分  
首從分別凌遲斬決之交係毆故殺自有爲首擬斬  
爲從分別服制不分首從及止科傷罪之例其尊長  
致死圖姦卑幼爲從在場幫毆有傷之犯係死者有  
服卑幼仍照毆故殺尊長本律定擬之條例內所稱



幫毆幫傷係兼下手傷重而言所稱有服卑幼本有期親在內若係功總卑幼而又下手傷輕亦自有爲從減等及止科傷罪之例至期親卑幼聽從尊長主使其毆以次期親尊長致死下手傷輕止科傷罪之例係專指期親尊長而言亦係專指尊長主使勉從下手而言與尊長忿激致死圖姦卑幼案內爲從幫毆有傷之死者有服卑幼又屬不同如卑幼亦係聽從尊長主使其毆圖姦之尊長下手傷輕原亦只科傷罪並非概照卑幼不得殺尊長之例定擬總之各

律各例並行不悖卽遇律例所未備何可比附定擬勢不能於各條下瑣屑載明轉似刻舟求劍該省如有此等案件卽行詳查律例參酌引用勿致以詞害義應咨覆該督查照

道光十年說帖

陝撫 題祁潮等姦所獲姦活埋茲夫祁滿盈姦婦李氏身死一案查現行例載本夫有服親屬捉姦殺死犯姦尊長之案若殺係本宗總麻尊長仍照毆故殺本律擬罪夾簽聲明若殺非登時毋庸夾簽又律載卑幼毆本宗總麻尊屬死者斬監候故殺亦斬各

等語此案祁潮因總麻服叔祁滿盈與伊胞兄祁閏六子之妻李氏通姦商同祁閏六子非登時將祁滿盈活埋致死案係謀殺若按謀殺總麻尊長律應不分首從皆斬決該省以例內止照毆故殺本律問擬故殺無加功將兇犯祁潮依故殺總麻尊屬律斬候本夫祁閏六子依毆總麻尊屬本律擬徒罪名輕重懸殊詳查各司並未檢出辦過此等成案職等叅鐸例意查舊例載本夫有服親屬皆許捉姦但卑幼不得殺尊長犯則依故殺伯叔母姑兄姊律科罪等語

此順治三年初纂律書時採讀法中語附於律文之  
後以爲註雍正元年將註語摘出以爲例專言故殺  
而不及毆與謀是乾隆二十一年本部以捕姦而殺  
有激於義忿有心殺之者亦有姦夫拒捕格鬪邂逅  
致死者將原例內犯則依故殺伯叔母姑兄弟律改  
爲殺則依毆故殺尊長本律夾簽請

旨並另立本夫捉姦殺死犯姦有服尊長照毆故殺尊長  
本律夾簽請

旨一條均兼言毆故而無謀殺玩按語激於義忿有心殺

之二句似包謀殺在內至三十四年始定本夫捉姦殺死總麻尊長照毆故本律擬罪夾簽聲明奉

旨勅下九卿減爲杖一百流二千里四十二年纂爲定例嘉慶六年又定有服親屬捉姦殺死總麻尊長仍照毆故本律擬罪如係登時夾簽聲明奉

旨勅下九卿減爲杖一百流二千里若殺非登時毋庸夾簽纂入例冊此二例遵行至今伏查全例所載擅殺可包謀故而故殺不能包謀惟尊長犯卑幼謀殺如故殺法至卑幼犯尊長謀殺則重於故何以捉姦殺

死尊長例內俱言毆故而不及謀殺職等詳參互考  
犯尊與瀆倫同一蔑倫而瀆倫之罪尤重如係捉姦  
殺死尊長直殺一瀆倫傷化之罪人特服制攸關不  
得不科以死罪若因其蓄意謀殺卽不分首從概依  
謀殺總麻以上尊長本律立斬不惟與無故犯尊者  
無別且以義忿之數人爲瀆倫之一人實抵亦非所  
以示持平是以歷屆修例均止載毆故二字以示與  
凡爲卑幼謀殺尊長者有間今該省將有服卑幼捉  
姦非登時起意謀殺總麻服叔之兇犯祁潮照故殺

隨制胞伯捉姦  
勒死犯姦胞婦

總麻尊長本律斬監候聽從捉姦謀殺總麻服叔之  
本夫而閨六子因本例上應照故殺律故殺無加功  
仍依附總麻尊屬律杖六十徒一年並將被逼幫擄  
總麻尊屬之祁浩依毆總麻尊屬律擬徒被逼幫擄  
無服親屬之祁銀味子依捉姦餘人例擬杖均屬情  
罪相符似應照覆 嘉慶二十年說帖

山西司 查律載姪毆伯叔父母死者斬故殺者不  
分首從凌遲處死又本條言皆者罪無首從不言皆  
者依首從決從無因姦毆故殺尊長服愈近則罪愈

輕之例若如該司所議服會近則罪愈輕設遇子捉  
母姦將伊母殺死竟可置之勿論乎恐必無此情理  
此案山西省崔文娃因見期親服姪崔陳氏與曹添  
恩姦宿該犯告知胞伯崔之才捉姦崔之才起意致  
死崔文娃聽從加功將崔陳氏勒斃除崔之才照例  
擬徒外其崔文娃一犯係崔陳氏期親服姪聽從加  
功勒死服姪起意之首犯罪名雖各別而卑幼之爲  
從加功則一旦故殺尊長者律不分首從崔文娃自  
應擬以凌遲惟死者究係犯姦尊長例得許其捉姦



則皆有義忿之情夾簽聲明歷來遵照辦理卽如六十年陝西省儲光斗聽從嫡母勒死爲匪胞兄照律擬以凌遲處死夾簽聲明在案至該司說帖內所引趙慶蔡通二案係因捉姦刃傷尊長之案例得勿論其所引乾隆二十五年因犯姦父兄王使子弟幫同致死姦夫姦婦其助毆之子弟概照餘人律治罪一案必死者係屬兇手之妹是以加重辦理況此等遠年成案旣無司分又無兇手名字無從查核不過外省割裂援引其中卽難保無舛錯添改之弊若置現

行律例於不問而援此無稽之案亦非部中辦事之

道茲奉

飭核理合稟覆奉

批例義祇許夾簽此案應遵例夾簽具題

嘉慶四年說帖

伯母犯姦不聽  
勸止故殺伯母

晉撫題趙元兒故殺犯姦期親伯母趙解氏一案

查故殺伯叔母罪應凌遲之案惟捉姦例內應夾簽

聲明此外雖有可原情節並無夾簽之例此案趙元

兒因伯母趙解氏與崔喜貴通姦醜聲外揚該犯向

勸被罵並被持刀擲砍該犯奮力砍傷趙解氏腮頰

等處趙解氏聲稱定欲將該犯處死該犯因其敗壞  
門風向勸不聽一時激於義忿起意將趙解氏砍傷  
身死查死者雖係犯姦尊長惟該犯因理勸起釁並  
非捉姦而殺既與殺姦應行夾簽之例不符第該犯  
因死者犯姦敗壞門風向勸不聽一時義忿故殺其  
情尙可矜原似應於稿尾敘明恭候

欽定冀可倖邀

恩宥該司援引毆死期功尊長罪干斬決情可矜憫例夾  
簽聲明究未允協應請裁去夾簽另擬稿尾呈

閩

稿尾

查律載姪毆伯母故殺者凌遲處死又例載本夫本婦有服親屬捉姦殺死本宗期功尊長無論是  
否登時皆照卑幼毆故殺期功尊長本律擬罪法司  
夾簽聲明又毆死本宗期功尊長罪干斬決之案如  
係情輕該督撫按律例定擬止於案內敘明法司會  
同核覆亦照本條擬罪若核其所犯情節實可矜憫  
者夾簽聲明恭候

欽定各等語此案趙元兒因期親伯母趙解氏與雇工崔  
喜貴通姦醜聲外揚該犯向勸被罵並被持刀擲砍

該犯情急奪刀砍傷趙解氏腮頰等處趙解氏聲稱  
定欲將趙元兒處死該犯因其敗壞門風向勸不聽  
一時激於義忿起意將趙解氏砍傷身死尙非無故  
逞兇干犯惟服制攸關仍應按律定擬應加該撫所  
題趙元兒合依姪毆伯母故殺者凌遲律凌遲處死  
查該犯因伯母犯姦敗壞門風勸不聽忿激故殺  
與捉姦殺死有服尊屬准子夾簽聲請之例不符惟  
死者究係淫蕩無恥尊長該犯並非無故逞兇干犯  
其情尙可矜原應比照毆死期功尊長情輕之例於

疏內敘明恭候

欽定嘉慶二十四年說帖○此案經九卿會議改斬監候  
題結見成案

隨父捉姦聽從  
幫按殺死伯母

婦母與人通姦  
捉姦誤殺婦母

河南司 查劉好小係劉張氏期親服姪該犯之父

劉勇與因張氏與劉弟柱通姦往捉先將劉弟柱砍

斃復揪住張氏聲稱一併殺死令該犯幫按該犯聽

從按住張氏肩背致氏被劉勇與砍斃查該犯隨同

伊父捉姦明知伊父欲將伯母張氏殺死輒聽從幫

按卽屬加功將該犯依親屬捉姦故殺伯母不分首

從律凌遲夾簽聲明查核相符似應照辦

嘉慶十五年說帖

川督 題吳文科因期親婦母吳黃氏與總麻姪孫

吳洪儒通姦該犯同弟吳文賢往捉吳文賢掇門進

所從功兄捉姦  
毆死犯姦功尊

內該犯聽聞伊弟被吳洪儒毆跌倒地拔刀進內幫  
捕誤戮黃氏身死是該犯忿激倉惶誤殺服婦並非  
逞兇干犯自應照例准其夾紮

嘉慶七年說帖

安徽司 查此案孫萬仁因小功服兄孫維仁與伊  
大功堂兄孫廣仁之妻李氏通姦孫廣仁邀同該犯  
幫捉孫廣仁先將孫維仁用刀砍傷倒地按住兩手  
令該犯砍其兩腿使成殘廢該犯用刀將孫維仁疊  
砍致斃查孫萬仁係本夫孫廣仁大功堂弟聽從捉  
姦殺死姦夫死者係小功服兄正與本夫有服親屬



登時殺死與胞  
姊通姦之表兄

捉姦殺死犯姦尊長之例相符今該撫將孫萬仁比  
照聽從下手毆本宗小功兄至死尊長僅令毆打而  
輒行毆至死例擬斬監候是合本例而比引他條  
係屬錯謬孫萬仁應改依本夫有服親屬捉姦殺死  
犯姦尊長之案如殺死本宗期功尊長無論是否登  
時皆照毆故殺期功尊長本律擬罪卑幼毆本宗小  
功兄死者斬律擬斬立決仍夾簽聲請  
嘉慶十九年  
說帖  
陝撫 題余在邦欲傷朱萬明身死一案查例載本  
夫有服親屬捉姦殺死犯姦尊長之案若殺係外姻

功總尊長仍照毆故殺本律擬罪法司於核擬時如  
係登時殺死者亦夾簽聲明奉

旨勅下九卿核擬減爲杖一百流三千里等語此案余在  
邦因外姻總麻表兄朱萬明與伊胞姊余氏通姦余  
在邦瞥見將朱萬明扎傷殞命查本婦有服親屬於  
姦所登時殺死姦夫按例罪止擬徒今余在邦殺死  
與伊姊通姦之朱萬明雖係姦所登時惟死係外姻  
總麻表兄服制攸關應仍按本律擬罪夾簽俟奉

旨勅下九卿核擬時再行減爲杖一百流三千里該省將

捉姦殺死小功  
兄大功嫂

余在邦依卑幼毆死外姻親麻兄本律擬斬監候  
請夾簽該司夾簽聲明係照例辦理應請照辦

嘉慶二十年說帖

盛京刑部 題郭五戳傷小功服兄郭泳成並大功兄

妻郭李氏各身死一案此案郭五因小功堂兄郭泳

成與伊大功兄妻李氏通姦村人都有談論嗣該犯

走入李氏屋內見郭泳成獨坐炕沿該犯責其不應

於本族通姦郭泳成答稱伊不能管該犯見其直認

姦情忿恨莫遏頓起殺機用刀將郭泳成戳傷身死

亥犯山院見李氏由窗跳入益覺氣忿復用刀連戳  
李氏殞命查郭五因小功堂兄郭泳成與伊大功兄  
妻李氏通姦該犯係本婦有服親屬例得捉姦其將  
姦夫姦婦戮傷斃命核與夾簽之例相符惟該犯戮  
斃郭泳成既訊係有心欲殺自應按故殺本律問擬  
該省將郭五依毆死本宗小功兄律擬以斬決未將  
故殺亦斬律聲叙罪名雖無出入引斷究未允協應  
於稿尾聲明

嘉慶十九年奉天司說帖

北撫題王文魁捉姦活埋王禮並小楊氏身死一

妻與姦叔通姦  
被夫一併活埋

案該省以王文魁目擊其妻小楊氏與總麻服叔王  
禮通姦將王禮等活埋致死殺姦雖非登時捉姦實  
在姦所將王文魁照故殺犯姦有服尊長例隨案聲  
請減流職等議請照覆奉

批活埋之案總應另商何不卽以此案條陳等因職等  
查擅殺罪人原包謀故活埋之案情節固屬慘忍惟  
活埋常人向係照謀殺科斷而罪人亦止可以擅殺  
定擬且謀殺案內如用湯火致死及以金刃疊砍多  
傷立斃者其情慘亦不次於活埋若獨將活埋罪人

一項酌改定擬恐轉滋挂漏之虞王文魁一案應仍

請昭報  
嘉慶十七年說帖

捉姦毆死功尊  
幫毆之親勿論

北撫 題譚正紀等捉姦毆傷小功服叔譚綜第身

死一案查捉姦毆死犯姦尊長案內惟下手斃命之

犯始照毆故本律擬罪夾簽聲隔若止毆傷者應照

律勿論例有明文此案譚正紀因小功服叔譚綜第

與伊妻鄧氏通姦邀允伊兄譚正倫堂兄譚正剛幫

捉各帶木棍打開房門譚綜第欲逃譚正紀等各用

木棍將其毆傷譚綜第身罵譚正紀又毆譚綜第傷

重殞命該省將譚正紀依毆死小功尊屬律擬斬  
明並非無故逞兇干犯譚正倫譚正剛照毆傷小功  
尊屬本律上量減一等分別擬以徒杖等因具題查  
譚綜第被毆斃命係本夫譚正紀後下手傷重致死  
其譚正倫譚正剛二犯係本夫親屬例許捉姦今將  
同本夫捉姦毆傷犯姦小功尊屬例得勿論該百將  
該犯等照尋常毆傷小功尊屬律上量減定擬係屬  
錯誤應將譚正倫譚正剛均改依本夫有服親屬捉  
姦殺死犯姦尊長之案止毆傷者勿論例勿論至本

部奏准新例毆死期功尊長應否夾簽以是否有心  
干犯爲斷係專指尋常毆死尊長之案而言若殺姦  
之案雖係故殺亦例得夾簽毋須分晰該司於此案  
夾簽內亦將是否有心干犯之處聲敘似應節刪並  
錄呈成案

道光二年說帖

嘉慶十二年四川省題何德元與小功服姪何正榜  
之妻何熊氏通姦本夫邀同胞兄何正義往捉毆  
傷何德元身死惟何正榜所毆係致命傷重應以  
何正榜擬抵將何正榜擬斬立決聲明並非無故



僅殺姦婦將犯  
姦尊長擬罪

逞兇干犯照例夾簽將僅止幫同毆傷之何正義  
依本夫有服親屬殺死犯姦尊長止毆傷者勿論  
題結在案

江西司 查此案黃士來與小功弟妻葉氏通姦被  
本夫黃士萬當場撞獲將姦婦戳傷殞命該犯當時  
脫逃後被拿獲據認姦不諱查該犯與小功弟妻  
通姦罪應擬軍其姦罪固較凡人爲重惟本夫殺死  
姦婦將姦夫擬絞之例原係抵本夫殺妻之罪如服  
制通姦其罪重於絞候自應從其重者論若姦罪不

捉姦殺死犯姦  
胞姊擬罪決登

至於死按本夫殺妻應抵之罪僅止絞候則擬抵之  
姦夫無論服制凡人概應縲首今該省將黃士來擬  
以絞候與例相符似可照覆  
嘉慶十六年說帖

陳撫 題陳繼有於姦所非登時毆死胞姊葉陳氏  
一案查例載本夫本婦之伯叔兄弟及有服親屬  
許捉姦如有登時殺死姦夫及姦婦者照依夜無故  
入人家已就拘執而擅殺律擬杖一百徒三年非登  
時而殺依擅殺罪人律擬絞監候又本夫本婦有服  
親屬捉姦殺死犯姦尊長之案如殺死本宗期功尊

其無論是否登時皆照以幼毆故殺期功尊長本律  
擬罪法司夾發聲明各等語溯查原例係屬一條本  
有卑幼不得殺尊長殺則依毆故殺尊長本律擬罪  
之文因嘉慶六年修例時將卑幼殺死犯姦尊長另  
立一條是以於例內將卑幼不得殺尊長等句刪去  
是捉姦斃命之例常人與有服卑幼各有專條引斷  
無虞牽混如謂弟因捉姦非登時殺死胞姪即可照  
常人一體擬絞豈伯叔與兄殺死姪女與妹亦將坐  
以縊首之罪參觀互證尤屬顯然此案陳繼有因出

嫁胞姊陳氏與龔荷子通姦該犯氣忿喊捉龔荷子  
開門逃跑該犯追趕不上轉回向陳氏斥責陳氏置  
其多管該犯一時忿激即取木棍毆傷陳氏右後脇  
等處殞命該撫將陳繼有依擅殺罪人律擬以絞候  
等因具題<sub>臣</sub>等查卑幼之於尊長名分甚嚴不可等  
於常人故凡捉姦殺死尊長仍應按本律問擬所以  
重倫紀而懲干犯今陳繼有因捉姦殺死出嫁胞姊  
陳氏按其本罪律應斬決因釁起捉姦激於義忿正  
典夾簽聲明之例相符該撫以卑幼殺死犯姦尊長

第捉姦殺死婦  
日有夾簪之例

之案而援引擅殺罪人之條係屬錯謬應令詳核例  
義另行妥擬具題

道光八年說帖

江西道御史 奏稱本夫本婦之伯叔兄弟登時殺  
死姦婦杖一百徒三年傷者勿論非登時絞監候查  
弟因捉姦殺姊向無杖徒及絞候之案弟字似應刪  
除等語 查例載本夫本婦之伯叔兄弟皆許捉姦  
如有登時殺死姦夫及姦婦者並依夜無故入人家  
已就拘執而擅殺律杖一百徒三年傷者勿論又本  
夫本婦有服親屬捉姦殺死犯姦尊長之案如殺死

期功尊長無論是否登時皆照卑幼毆故殺期功尊  
長本律擬非法司夾發聲明奉

旨勅下九卿核議量從末減者期親減爲擬斬監候各等  
語是有服親屬捉姦殺死犯姦尊長例內已有分別  
夾發專條遇有弟因捉姦殺姊者自可查照辦理至  
本夫本婦伯叔兄弟皆許捉姦例內弟字原係繼承  
上文本夫本婦並兼指殺死姦夫姦婦二項而言若  
將弟字刪去則本夫之弟殺死姦婦及本夫本婦之  
弟殺死姦夫各案皆將無憑引斷轉致格礙難行所

聽從母命幫同  
勒死犯姦胞妹

殺死強姦伊妻  
室叔犯時不知

有該御史奏稱第字應刪之處應毋庸議

道光十三年通行

晉撫 咨楊尙青與無服族妹楊慎慎子通姦敗露

被氏母楊史氏逼令伊子楊存真將楊慎慎子勒死

楊尙青照親屬捉姦非登時殺死姦婦姦夫擬徒例

擬徒楊史氏照本婦之母捉姦止殺姦婦者不必科

以罪名楊存真聽從伊母幫同將伊妹勒死應照殺

姦案內聽從加功之親屬照餘人杖一百

嘉慶二十一年案

廣東撫 咨陳蜺紀因小功室叔陳榕賓夜強姦伊

妻未成暗中不能辨認登時致傷身死一案查例載

有服尊長強姦卑幼之婦未成被本夫忿激致斃係  
本宗期功卑幼罪應斬決者無論登時事後均照毆  
死尊長情輕之例夾符聲明又本夫捉姦殺死犯姦  
有服尊長之案除犯時不知及止毆傷者均照律勿  
論又名例載本應罪重而犯時不知者依凡人論又  
例載強姦未成罪人本婦有服親屬登時忿激致死  
者杖一百徒三年各等語又查嘉慶十六年十一月  
直隸省題開和毆死強姦伊妻未成之胞兄閻寬身  
死燒毀死屍一案該督以閻和黑夜毆斃閻寬並不



十六年議覆北  
撫咨本夫殺死  
強姦罪人通行  
該罪人拒捕條

知係胞兄按犯時不知律得勿論將該犯依毀棄經  
麻以上尊長死屍律擬斬經本部照擬斬候並聲明  
犯時不知應同凡論例應擬徒該督聲稱律得勿論  
係屬錯誤等因題覆在案是捉姦殺死犯姦有服尊  
長如係犯時不知律得勿論若登時殺死強姦未成  
有服尊長犯時不知例應凡論自應遵照例案並十  
六年議覆湖北巡撫請示通行援照本婦有服親屬  
致死強姦未成罪人例擬以杖徒不得一律勿論致  
殺死罪人與殺死姦夫漫無區別此案陳蜺紀因小

功堂叔陳榕寅夜強姦伊妻陳包氏未成陳包氏喊  
嚷陳蜆紀聞喊趕往黑暗中見一人檢按其妻無從  
辨認一時忿激將陳榕截傷致斃該省將陳蜆紀照  
犯時不知依凡人論強姦未成罪人被本婦有服親  
屬登時忿激致死例擬徒係屬照例辦理並無錯誤  
該司議駁勿論既與例意未符亦與本部通行及閩  
祖成案顯有歧異應請仍照該省所擬咨覆

嘉慶二十四年說帖

蘇撫 題姦姦凡與胞姪蔡通之妻盧氏通姦被蔡

捉姦致傷身長  
照律應予勿論

通撞遇用刀砍傷姦夫並殺死姦婦一案除盧氏已  
經被殺身死不議外將蔡奕凡依姦兄弟子妻律擬  
絞立決蔡通依刀傷胞叔律擬絞立決仍聲明蔡通  
情有可原等因具題除蔡奕凡一犯應如所題照律  
擬絞立決外查律載本夫於姦所親殺姦夫姦婦登  
時殺死者勿論此言本夫捉姦殺死姦夫統得勿論  
卽至殺死有服尊長亦無另有治罪之條若本夫因  
捉姦致傷尊長則更可無論也又殺姦例載本夫本  
婦有服親屬皆許捉姦但卑幼不得殺尊長犯則依

故殺伯叔母姑兄姊科斷此則專言應許捉姦之兩  
家卑幼服屬不得干犯尊長亦止言殺而不言傷而  
本夫之捉姦致傷尊長者則尤可無論也是以乾隆  
六年臣部議復河南按察使條奏本夫捉姦殺死尊  
長當隨時酌量議擬在案是因姦而殺尊長尙在矜  
疑之列若致傷未死自應照律勿論蓋尊長內亂律  
干斬絞重辟既予本夫以捉姦之權自難禁其必不  
致傷詳查律例檢閱條議從無本夫獲姦致傷有服  
尊長仍應科罪之文此案蔡逆因胞叔蔡奕犯與伊

妻盧氏白日行姦撞獲登時互毆致傷並未致死該撫遽將蔡通按照刀傷胞叔律擬以絞決殊未允協臣等詳繹案情折衷成例蔡通既無科罪之條自應予以勿論應將該撫擬以絞決之處毋庸議等因乾隆二十年九月初五日題初十日奉

旨蔡奕凡著卽處絞餘依議欽此

通行

事後謀殺圖姦  
伊胞之兄請示

山東司 查律載謀殺期親尊長已殺者凌遲處死又例載有服尊長強姦卑幼之婦未成被木夫本婦有服親屬忿激致斃如係期功卑幼無論是否登時

各按服制擬罪來筭聲明奉

旨飭下九卿核議減爲擬斬監候等語是謀殺期親尊長  
罪應凌遲如因尊長強姦起釁忿激致斃則應減  
聲請律例各有明文引斷不容牽混各該省審理命  
案必須究明致死根由方可依律定擬如殺姦必分  
登時非登時及是否另有起釁別情不得以前後情  
由攙雜合混至案關服制辦理尤應慎重此案張樹  
鴻因次胞兄張樹成圖姦伊媳未成後張樹成欲析  
田畝該犯因不能度活忿恨並觸及前次圖姦之事

商同長兄將其勒斃是張樹成圖姦姪媳並非強姦  
可比該犯殺在數月以後亦非忿激所致本與夾簽  
之例迥不相符且係謀殺胞兄罪干凌遲之案即使  
胞兄茂倫或罪犯應死聽從尊長謀殺亦祇可照律  
擬罪俟

旨勅下九卿定擬方可量從未減况疊因分產其爲圖財  
謀殺尤屬顯然乃該撫於此等謀殺胞兄重案並不  
研訊致死確情輒以前後起釁情由互相轉轄咨請  
部示轉使凌遲重犯得稽顯戮本部礙難懸斷致同

本婦毆死強姦  
未成之夫胞叔

自擬自核應合該撫速飭研審確情按例妥擬具奏

到日再議  
道光十一年說帖

湖廣司 查律載毆夫之期親以下總麻以上尊長  
至死者斬監候又例載有服尊長強姦卑幼之婦未  
成被本婦忿激致斃如係本宗總麻卑幼若登時致  
斃定案時依律問擬法司核擬隨案減爲杖一百流  
三千里各等語此案李孫氏因被夫叔李萬兆按炕  
強姦該氏喊叫伊翁李萬高聞聲進內李萬兆跑走  
李萬高攔住用木槌毆傷其右額角等處該氏忿激



亦抬石連毆致傷其頭門等處李萬兆因該氏合毆傷重身死查本婦毆死強姦未成之本宗功服尊長例無作何量減明文惟妻毆夫之期功尊長至死與毆夫之總麻尊長至死其罪同一斬候本婦登時致斃強姦未成總麻尊長既可隨案減流則登時致斃強姦未成本宗期功尊長自應比例問擬應如該撫所題李孫氏合依妻毆夫之期親以下總麻以上尊長至死律擬斬監候查該氏被夫叔李萬兆強姦登時忿激將其毆斃實屬守正不污情殊可憫既據該

撫於疏內聲明相應照例隨案聲請優獎

聖恩准其減等將該氏減爲杖一百流三千里照例收贖

道光十年說帖

毆死圖姦伊妻  
胞叔情輕夾簽

四川司 呈何能相毆死胞叔何宗現援照毆死有  
服尊長情輕之例夾簽一稿接奉

鈞諭如因尊長圖姦而殺者係毆殺則引情輕夾簽之  
例若係故殺則於出語聲明昭覆不必夾簽等因 職  
等復查何能相係與何宗現理論被其毆罵並揪作  
髮辦該犯情急用刀嚇砍適傷致斃並非故殺之案

檢查乾隆五十年蘇撫題陳上沅因胞兄陳鵬調弄  
伊妻彭氏未成將陳鵠毆傷致死本部於核覆稿內  
照律擬斬立決援照有服尊長情輕之例夾簽聲明  
經九卿改爲擬斬監候題結在案現辦何能相一稿  
情節例文俱與陳上沅成案相符似無錯誤至江西  
司題結劉士湖毆死胞兄劉士鵬一稿查劉士湖因  
與胞兄劉士鵬兩相爭鬪被劉士鵬揪住髮辮按打  
該犯被揪疼痛兩手往上遮護致手中鐵錐戳傷劉  
士鵬左肋身死係鬪毆適傷致斃之案本與卑幼誤

傷尊長應行夾發之例未符是以本部核覆本內未經夾發與四川司何能相情事不同呈候

閩核 乾隆五十五年說帖

將謂姦之夫兄  
毆死比例減流

山西司 查律載妻毆夫期親以下尊長至死者斬監候又例載有服尊長強姦卑幼之婦未成被本夫本婦忿激致斃係本宗期功卑幼罪應斬決者無論登時事後均照毆死尊長情輕之例夾發聲明如係本宗細麻登時忿激致斃定案時依律問擬法司核擬隨案減為杖一百流三千里各等語此案張劉氏

查周崔氏因被夫弟周冬用言調戲城馬逃跑經勸隱忍嗣周冬飲醉復進該氏屋內攔腰詬戲該氏力推倒地周冬滾罵該氏因其不顧倫理屢次欺辱忿激連毆致斃死係獲倫罪人應照擄殺滅一等擬流收贖嘉慶十六年山東司說帖

夫亡守志因夫兄張俊科負夜撥門進房揭被圖姦經該氏喊嚷逃逸次早張俊科復向調戲該氏忿激將其毆傷殞命查妻毆夫之期親尊長至死律應斬候與卑幼毆死本宗總麻尊長罪名相同例內本夫本婦忿激致死強姦未成之本宗總麻尊長應擬斬候者隨案減流今該氏因被夫之期親服兄圖姦未成忿激致死若因例無聲請明文仍照本律科以斬候不惟與捉姦殺死本宗期功尊長罪于斬決尙得夾簽聲請改爲斬候者無所區別且以守正不污之

婦而爲淫惡罪人擬以實抵亦非所以伸義忿而昭平允既據該撫於疏內聲明所有張劉氏一犯應請比照有服尊長強姦卑幼之婦未成被本婦登時忿激致斃係總麻隨案減流例減爲杖一百流三千里依律收贖

嘉慶十八年說帖

事後毆傷圖姦未成總尊成爲

湖廣司 查非登時殺死強姦未成之總麻尊長例應照毆故殺本律問擬則非登時毆傷圖姦未成之尊長致成篤疾仍按本毆傷法科斷此案張二慙因總麻服兄張端正調姦伊妻尤氏未成邀同李老四

毆死圖姦伊妻  
總兄仍擬斬候

等將張端正毆傷致成篤疾事隔旬餘並非登時該  
省將該犯仍該卑幼毆本宗總麻兄篤疾律擬絞監  
候與律相符似應照覆

嘉慶十五年說帖

江西撫題羅連先致傷總麻服兄羅遂先身死一  
案查例載有服尊長強姦卑幼之婦未成被本夫本  
婦忿激致斃如係本宗總麻卑幼事後毆斃仍照毆  
故殺尊長本律問擬斬候等語此案羅連先因總麻  
服兄羅遂先向伊妻蕭氏拉手求姦被蕭氏喊罵逃  
走羅連先回家聞知投族理論羅遂先因羅連先投

族張揚其醜屢次登門詈罵嗣羅連先挑草撞遇羅  
遂先又向辱罵撲毆羅連先用挑打傷其左手背等  
處經人勸散羅遂先攜刀稱欲拚命趕向欲殺羅連  
先順取鋤頭格打致傷其偏左頰命查羅連先因總  
麻服兄羅遂先圖姦伊妻未成復屢次登門尋釁固  
屬殘倫淫兇惟該犯當時畏兇隱忍因其復向辱罵  
并攜刀趕砍隨用鋤將其格傷致斃在死者固係圖  
姦罪人而該犯毆殺已在事後且例內本夫事後毆  
死強姦未成之總麻尊長尙應照本律開擬則事後



毆死圖姦未成之總麻兄自應仍按本律問擬該省  
將羅連先依卑幼毆本宗總麻兄死者斬律擬斬監  
候情罪相符應請昭覆

嘉慶十九年說帖

山東司 查此案李戔因外姻總麻表兄李淮潛至  
伊妻董氏炕前手摸董氏身體圖姦被董氏揪住髮  
辮喊叫適該犯與李小太篇聞喊趨視將李淮手足  
捆縛詢明圖姦屬實欲送官究治李淮不服聲稱到  
官亦無大罪該犯忿極用鉞刺傷其右眼又用鎌刀  
割傷左右腳跟筋斷殞命查李戔因外姻總麻表兄

李淮賓夜向伊妻董氏調姦雖係罪人究與本夫殺姦隨本聲請量減及強姦未成夾姦聲明之例不符自應仍照毆死本律問擬該省將李戕依毆外姻總麻兄死者斬律擬斬監候與律相符應請照覆

嘉慶十九年說帖

其毆調姦子媳之甥身死

盛京刑部 題王三等毆傷旗人吳謀身死一案查王三因小功服甥吳謀屢次調姦子媳向斥不服邀同苑汶學將吳謀捆毆致斃該省將王三依卑幼圖姦有服親屬被尊長忿激致死無論謀故悉照擅殺罪

從姦事後殺死  
犯姦總麻弟妻

人各按服制於毆殺卑幼本律減一等例擬以滿流  
與例相符惟對同用斧毆砍之茹汶學例應照餘人  
擬以滿杖今該省將該犯照刃傷人徒罪上減一等  
擬杖七十徒一年半係屬錯誤應行更正

嘉慶十七年奉天司說帖

直隸司 查律載毆大功以下兄弟妻至死者依凡  
論又例載本夫本婦有服親屬捉姦非登時殺死姦  
婦依擅殺罪人律擬絞監候各等語此案蘇成會因  
捉姦活埋總麻弟妻小蘇韓氏身死查小蘇韓氏係

因媳產生私孩  
父子將其勒斃

該犯總麻弟妻並非有服卑幼有犯殺傷應同凡論  
卽因犯姦忿激事後將其致死亦應照有服親屬非  
登時殺死姦婦之例問擬該督將蘇成會依有服尊  
長殺死罪不至死之卑幼因玷辱祖宗起見忿激致  
斃於嚴總麻卑幼至死絞罪上減等擬流係屬錯誤  
應卽更正蘇成會應改依有服親屬捉姦非登時殺  
死姦婦例擬絞監候業已病故應毋庸議  
四川司 查例載本夫本婦之父母如有捉姦止殺  
姦婦者不必科以罪名又本夫聞姦數日將姦婦殺

道光十一年說帖

死姦夫到官供認不諱確有實據者將本夫照已就  
拘執而擅殺律擬徒又期親以下有服尊長殺死罪  
不至死之卑幼果係積憤匪徒怙惡不悛尊長因玷  
辱和宗起見忿激致斃者無論謀故爲首之尊長悉  
按服制於毆殺卑幼各本律上減一等聽從下手之  
犯無論尊長凡人依條人律杖一百又斷罪無正條  
援引他律比附各等語此案楊勝宇因娶陳氏爲妻  
廼門未經五月陳氏產生一女卽行搭死楊勝宇查  
問陳氏與何人通姦懷孕陳氏不說楊勝宇卽欲趕

逐伊父楊昌模以家貧無力再娶囑令楊勝字管教  
不必休棄後再犯姦立即處死楊勝字當將陳氏毆  
責而息嗣陳氏私逃兩日始行走回楊昌模與楊勝  
字照其在何處歇宿與何人通姦陳氏聲稱楊昌模  
家清貧苦不愿跟隨欲楊昌模父子將伊另嫁楊勝  
字罵其無恥欲毆陳氏掌批楊勝字腮腴楊昌模氣  
忿將陳氏按地騎壓令楊勝字取繩勒死楊勝字不  
肯楊昌模斥說不從定將楊勝字一併呈首楊勝字  
長懼取繩遞交楊昌模楊昌模逼令楊勝字檢按陳

氏手口自用機繩套其項頸拉勒殞命將屍拴縛樹上假裝自縊旋經被人看破報驗楊昌模悔恨亦投緇殞命該督將楊昌模依故殺子孫之婦律擬杖一百流二千里聲明業已自縊應毋庸議楊勝乎於故殺妻絞罪上量減二等擬以滿徒等因查楊昌模因子媳陳氏姦生私孩復逃出在外因盤問姦夫姓名不吐陳氏反嫌伊家貧欲行另嫁該犯氣忿逼令伊子楊勝字幫同將其勒斃雖非姦所獲姦姦夫並無姓名惟陳氏姦生私孩私自逃走卽屬姦情確鑿有

據且例內尊長因卑幼爲匪玷辱祖宗起見將卑幼  
殺死尙應於殺卑幼罪上減等犯姦較爲匪之玷辱  
祖宗爲尤甚而子媳較卑幼名分爲更親自應照夫  
之父母捉姦殺死姦婦例不必減等楊勝字因妻犯  
姦又復私逃若該犯起意致死亦不過照開姦殺妻  
之例擬徒況該犯係逼於父命幫同勒死淫奔無恥  
之事較尊長殺死玷辱祖宗卑幼案內聽從下手之  
尊長凡人情更可原該督將楊昌模依尋常故殺子  
媳律擬流楊勝字量減擬徒未免情輕法重楊昌模



捉姦活埋姦妻  
姦妻卑幼夫事

應比照本夫父母捉姦止殺姦婦不必科以罪名例  
予以勿論業已自縊應毋庸議楊朕宇應比照尊長  
因玷辱祖宗起見殺死爲匪卑幼案內聽從下手之  
犯無論尊長凡人依餘人擬杖例杖一百

道光十年  
說帖

陝撫 題王起賈糾同王慶先等捉姦活埋姦婦王  
胡氏并縱姦之本夫王友江身死一案查律載尊長  
毆總麻卑幼至死者絞監候又尊長毆總麻卑幼之  
婦至死者絞監候又例載本夫本婦有服親屬捉姦  
殺死犯姦卑幼之案如非登時而殺無論謀故各按

服制於毆殺卑幼本律例上減一等又人命案件按律不應擬抵罪止軍流徒人犯如擅殺姦盜罪人之類除致死二命照律從一科斷外如至三命者於應得軍流徒本罪上加一等各等語又上年十一月據陝西省以有服尊長因卑幼縱妻賣姦等類玷辱祖宗及閭族顏面起意忿激致斃者審無懷挾私讐之案較之致死爲匪卑幼情節尤輕無論謀故照毆死卑幼本律罪上減一等問擬聽從下手之犯無論尊長凡人各依餘人律杖一百方爲允協惟例無專條

咨請部示經本部查維妻與姦其無恥傷化卽與身  
自犯姦無異尊長因其玷辱祖宗及閭族顏面忿激  
致斃與殺死犯姦之卑幼相同例內既有尊長殺死  
犯姦卑幼各按服制減等定擬之條自可叅核辦理  
等因咨覆在案此案王起貴因總麻服姪王友江貪  
利縱妻胡氏與王世信通姦氣忿邀族人王慶先等  
捉姦王世信當時逃逸該犯王起貴令王慶先等將  
胡氏并本夫王友江一併活埋身死查有服尊長殺  
死犯姦卑幼無論姦夫姦婦均應按服制減毆死卑

殺死背夫逃走  
改嫁弟婦比照  
捉姦止殺姦婦  
例問擬案載去  
妾與夫親屬相  
毆條

幼本罪一等今王友江雖非目行犯姦第其貪利縱  
妻與人通姦實屬無恥傷化與身自犯姦無異該犯  
王起貴係王友江總床尊屬因其玷辱祖宗并傷闔  
族顏面將其夫婦一併致死委係激於義忿先據該  
省咨請部示業經本部行令照尊長殺死犯姦卑幼  
例問擬至死雖二命惟例內不應擬抵命案至三命  
者始照例加等二命仍從一科斷今該省將王起貴  
依有服親屬殺死犯姦卑幼如非登時而殺無論謀  
故各按服制於毆死卑幼本律上減一等例擬杖一

毆死犯姦私奔  
胞妹按例減徒

百流三千里年逾七十照律收贖聽從下手之王慶  
先等依餘人律擬杖姦夫王世信緝獲另結查核情  
罪相符應請照覆

嘉慶十七年說帖

安徽司 查陳元先之妹陳氏先與鄧獻桃通姦經  
伊母掩飾姦情將陳氏許配姦夫為妻嗣陳氏不待  
迎娶私奔鄧獻桃家該犯屢喚不回慮人恥笑將陳  
氏毆傷致斃是該犯毆死犯姦私奔有罪胞妹應於  
流二千里例上減等滿徒該撫於毆殺本律滿徒上  
議減自屬誤會應行更正

乾隆五十九年說帖

川督 咨宋美成搭傷胞妹陳宋氏身死一案查案  
美成因胞妹宋氏嫁與陳登建爲妻後陳登建查知  
宋氏與秦老九通姦卽將宋氏休回宋美成因係醜  
事未報禁止宋氏不許與秦老九往來秦老九不敢  
復往嗣宋美成見宋氏背負包裹逃走問知欲找秦  
老九說話宋美成因宋氏無恥玷辱祖宗用手將宋  
氏擦斃是宋美成致死伊妹宋氏因其欲尋姦夫玷  
辱祖宗起見距宋氏姦情敗露被夫休棄之時已隔  
兩月之久與本婦親屬非登時捉姦止殺姦婦親屬

初死業已出嫁  
之犯姦親姪女

姦夫俱應擬徒者不同該督將宋美成照尊長殺死  
罪不至死之卑幼例擬徒姦夫秦老九仍科姦罪擬  
以枷杖尚屬允協似可照覆

道光十一年說帖

川督 咨羅其中因出嫁小功姪女李羅氏與李懷  
玉通姦業經本夫獲姦控告羅其中以敗壞門風起  
意將李羅氏勒死一案查婦女之有服尊長例內原  
包夫家母家而言但女子出嫁與在室有別若入室  
之女及夫家休回者有犯姦淫等項經其母家有服  
尊屬惡其玷辱忿激致死自應援照有服尊長忿激

致斃之條至女子出嫁義當從夫卽應斟酌案情分別辦理不得一例概從末減今羅其中係李羅氏母家詳服總麻尊屬李羅氏出嫁後在夫家與人通姦經本夫於姦所捉獲赴縣控告並未休棄回家自應聽本夫作主控吉理處雖李羅氏之敗壞門風亦關羅姓顏面但女子業已出嫁卽有從夫之義如果李羅氏犯姦後夫甘心縱容並不告官申理羅其中激於義忿將該氏勒死尙可照服制減等定擬今本夫旣已控告自有官法處治羅其中有何迫不及待之



情輒將李羅氏乘機殺害是其不待官爲審理卽應

治以擅殺之罪不當牽引尊長忿激致死減等之文

應駁令另行妥擬

乾隆六十年說帖

旋據遵駁覆審查李羅

氏與李懷玉通姦本夫李添錫並未縱容業經赴告

自有官法處治乃該犯羅其中迫不及待輒將李羅

氏勒傷越三日身死誠如部駁其不待官爲審理卽

應治以擅殺之罪不當牽引尊長忿激致死減等之

文前擬流罪實未允協將羅其中改依罪人已就拘

執而擅殺律擬絞監候

嘉慶二年題准○見駁案新編

事後勒死與女  
通姦之大功弟

陝撫題張明德  
因總麻姪孫張  
法添與伊姪媳  
通姦姦所捉獲  
非登時殺死姦  
夫照例毆死總  
麻姪孫擬流本  
律滿一等滿徒  
嘉慶八年案見  
駁案新編

何撫 咨姚顯章勒死大功弟姚顯平一案查此案  
姚顯章因大功弟姚顯平與伊女變姐通姦懷胎經  
姚顯平買藥給服將胎打下變姐之母程氏盤悉姦  
情向姚顯章告知姚顯章因係家醜隱忍禁止姚顯  
平不許往來嗣姚顯章家雞隻踐食張楊氏麥子張  
楊氏吵鬧程氏斥罵混帳張楊氏曾經風聞變姐姦  
情隨以家無閨女犯姦不致混帳之言恥笑程氏恨  
及變姐卽向辱罵變姐因醜聲張揚羞愧投繯殞命  
姚顯章憶及姚顯平與伊女通姦既致縊死忿恨難

堪起意致死洩忿邀尤姚顯文相幫姚顯章用繩將  
姚顯平勒死查該犯先經查知大功弟與伊女通姦  
因係家醜隱忍僅止斷絕往來本無捉姦之心迨事  
隔三月之久因被鄰人恥笑致伊女羞愧殞死隨憶  
及前情起意將姚顯平勒死洩忿與捉姦致死姦夫  
之案不同惟死者究係內亂罪人有干十惡之條若  
竟科該犯以故殺大功弟之罪不惟與尋常故殺卑  
幼者無別且因伊弟伊女犯姦之故輒將並非縱容  
之尊長予以實抵於情法亦不得其平該省將該犯

依擅殺罪人以鬪殺論毆殺同堂大功弟律杖一百

流三千里情罪尙屬允協似應照覆

嘉慶二十一年說帖

事後毆死強姦伊女之大功弟

川督 咨黃碧珏因大功堂弟黃碧祚強姦伊嫁女

楊黃氏未成該犯事後捉拿將其毆死應將黃碧珏

比依卑幼圖姦有服親屬被尊長忿激致死按服制

於毆殺卑幼本律上減一等例於毆死大功弟擬流

律上減一等滿徒

道光二年案

當時勒死強姦伊妻未成胞弟

浙撫 咨郭廷綬因胞弟郭廷雙強姦伊妻鄭氏未

成被該犯撞見忿激將其勒死若照卑幼圖姦有服

致死強姦伊媳  
未成小功堂姪

親屬尊長忿激致死於毆死期親弟例上減等滿徒  
則與平人強姦未成被本婦有服親屬登時殺死同  
擬滿徒無所區別應將郭廷綬於擅殺圖姦卑幼滿  
徒例上減二等杖八十徒二年

道光二年案

北撫 容項得從活埋小功堂姪項義和致死一案

此案項得從係項義和小功堂伯因項義和強姦伊

子媳項鄧氏未成被賊脫逃嗣項得從見項義和經

過將其扯進屋內解欲送官項義和肆罵項得從忿

激順拾木枋毆傷其左腳倒地因其傷重隨起意邀

允族人項明松項勝安將項義和捆縛活埋致死查  
項義和係該犯項得從小功堂姪因其強姦伊子始  
未成事後將其活埋致斃較之尊長擅殺圖姦未成  
卑幼情節更輕該省將項得從照尊長殺死圖姦有  
服卑幼於毆殺小功堂姪擬流本罪上減一等滿徒  
例再量減一等杖九十徒二年半核與殺死圖姦卑  
幼已量爲區分應請照覆

道光六年說帖

捉姦登時報至  
門外殺死細弟

直督 咨外結徒犯申聰因總麻服弟申興與伊妻  
李氏通姦登時追出門外將申興毆死查卑幼犯姦

非登時殺死與  
姦妻通姦經姦

罪不至死本夫於姦所獲姦非登時而殺例得於堂  
人滿徒上減二等則逐至門外而殺亦應於凡人杜  
八十上減二等杖六十 嘉慶二十五年案

直督 咨高風光出繼高姓例應歸宗魏九係高風  
光繼麻服叔因見高風光與伊姦姦未婚妻高氏通  
姦前往捉拿致被掙脫後復擅行殺死獲姦既離姦  
所殺死又非登時魏九合依本夫捉姦殺死犯姦與  
幼之案如卑幼罪不至死捉姦已離姦所非登時而  
殺者於常人絞罪上減二等滿徒高氏給魏九童養

謀殺弑姪伊姪  
孫媳之夫胞姪

為妻名分已定其與伊夫總麻服姪通姦亦應照姦  
總麻以上親之妻律擬徒  
嘉慶二十二年案

直督 咨杜張氏因夫姪杜紅敷之胞弟杜紅迪強  
姦其姪孫媳高氏不從搥破巾衣該民主令杜紅敷  
將杜紅迪捆縛溺斃將杜張氏比照卑幼圖姦有服  
親屬被尊長忿激致死例於毆殺夫之兄弟子滿流  
律上減一等擬徒杜紅敷照餘人擬杖  
道光五年案